



МАРКЛЭСЬ ЗЕЧ ИВОР

1-тй ЛЮКЕТ

¹Инмарлэн Пиезлэн Иисус Христослэн Евангелиезлэн кутсконэз. ²Кызы гожтэмын пророкьёслэн:

«Тани, Мон Тынад азьтйд
Аслэсьтым кылчинме лэзисько,
со Тыныд сюрес дасялоз».*

³«Кыр дуннеын кесиськисьлэн куараез:
Кузё-Инмарлы сюрес дасялэ,
шонертэлэ Солы сюресэз».*

⁴Иоанн лыктэм, со кыр дуннеын пылатыса, сьö-лыкьёсты куштон понна öбкельыса пылатиськон

* 1:2 Мал. 3:1.

* 1:3 Ис. 40:3.



сярысь тодытэм. ⁵Со доры быдэс Иудея музеймын, Иерусалимын улйсьёс лыктйллям; съолькьёссэс вераса, ваньзы соос Иордан шурын со пыр пылатйськиллям. ⁶Иоаннлэн дйськутэз верблюд гонлэсь вылэм; куссэ сюмыс кускерттонэн думыса ветлэм; зозьёсыз, кыр мушъёслэсь чечызэс сиыса улэм. ⁷Со тазы тодытыса верам: «Мон съөртй мынэсьтым Кужмоез лыктэ, Солэн пыдкучанэзлэсь езе мыкыртйськыса пертчыны но мон уг яраськы. ⁸Мон тйледыз вуэн пылатй, нош Со тйледыз Святой Духен пылатоз».

⁹Со нунальёсы Галилеяысь Назарет карысь Иисус лыктэм но Иоанн пыр Иордан шурын пылатйськем. ¹⁰Иисус вуысь потыку, инбамлэсь ваяк усътйськемзэ но Со вылэ дыдык выллем васькись Духез адзем. ¹¹Инмысен куара кылйськем: «Тон Мынам Яратоно Пие, Тон бордын Мынам зеч эрике».

¹²Соку ик Дух Сое кыр дуннее нуэм. ¹³Кыр дуннеын Со ньыльдон нунал улэм, шайтан визьзэ сынам; пйшуръёсын огазын улэм; кылчинъёс Сола юрттйськыса улйллям.

¹⁴Иоаннэз возъмаськисьёслэн ки улазы сётэмзы бере, Инмар Эксэйлыклэсь Евангелизэ тодытыса, Иисус Галилея музейме лыктэм. ¹⁵Со шуэм: «Дыр вуиз но, матэ луиз Инмар Эксэйлык: обкельыса съолькьёстылэсь куштйське, Евангелилы оскелэ».

¹⁶Галилей зарезь дортй ортчыкуз, калтон куштыса улйсь Симонэз но солэсь вынзэ Андреез адзем, соос чорыгасьёс вылйллям. ¹⁷Иисус соослы шуэм: «Ойдолэ Мон съөры, Мон тйледыз адями

кутылйсь каро». ¹⁸Калтонъёссэс куштйллям но, соку ик соос Иисус съёры мынйллям. ¹⁹Отысен ѓжытак мынэм беразы, пыжын калтонзэс кышъяса пукусь Зеведей пи Иаковез но солэсь вынзэ Иоаннэз адзем. ²⁰Соку ик соосты Со Ас бёрсяз ѓтем. Асьсэлэсь атайзэс, Зеведеез, пыжын ужасьёсыныз валче кельтыса, соос Со съёры мынйллям.

²¹Капернауме вуиллям; жоген, суббота нуналэ, Со синагогае пырем но дышетыны кутскем. ²²Солэн дышетонэзлы паймиллям, Со уго соосты, книга тодйсьёс сямен ѓвӓл, кузё мурт кадь дышетэм. ²³Соослэн синагогаязы перияськем адями вылэм, со кесиськем: ²⁴«Эй, Назаретысь Иисус, кельты, Тынад ми бордын мар ужед? Тон милемыз быдтыны лыктйд! Тодйсько мон, кин Тон, Инмарлэн Святоеэ». ²⁵Нош Иисус алыса солы шуэм: «Чалмытскы, пот со пушкысь». ²⁶Соку пери сое сзъям-куалекъятэм но, бадзым куараен черектйськыса, солэн пушкысьтыз потэм. ²⁷Ваньзы туж паймиллям но ог-огзылэсь юалляськиллям: «Марта таће? Кыће таће та выль дышетон – периослы кузё кариськыса косэ но, соос Солэсь кылзйсько?» ²⁸Жоген Со сярысь ивор быдэс Галилея музъеме вӓлмем.

²⁹Синагогаысь чаляк потйллям но, Иаковен Иоаннэн чӓш, Симонлэн но Андрейлэн гуртазы лыктйллям. ³⁰Симонлэн варманаез пӓськылен висыса кылле вылэм; со кышномурт сярысь соку ик Иисуслы вераллям. ³¹Дораз лыктэм но китйз кутыса сое султытэм; пӓськылез соку ик бырем. Табере та кышномурт таослы служить карыны кутскем. ³²Жытпал, шунды пуксем бере, Со доры

вань висись, перияськем адямиосты ваиллям.
³³Быдэс город өс выжые люкаськем. ³⁴Котькыче
но висёнэн висисьёсты троссэ Со бурмытэм; трос
периосыз улляса поттэм. Со Христос вал шуыса
тодэмзэс, периослы вераны лэзьымтэ.

³⁵Нош ёукна, вазь ик султыса потэм но, калык-
тэм интые кошкыса, отын вёсяськыса улэм. ³⁶Си-
мон но соин огазын ветлйсьёс Со съёры мынйл-
лям. ³⁷Сое шедьтэм беразы, Со лы шуиллям: «Тонэ
ваньмыз утчало». ³⁸Иисус соослы шуэм: «Ойдолэ
мыноме матысь гуртьёсы, городъёсы. Мон отын
но тодытыны кулэ, со понна ик Мон лыктй уго».

³⁹Быдэс Галилея музъемысь соослэн синагогаос-
тйзы тодытыса ветлэм, периосыз улляса поттам.

⁴⁰Со доры гижло черен висись мурт лыктэм но
сюлворыса, Солэн аяз пыдесьяськыса шуэм:
«Чылкытатэмед потйз ке, Тон монэ чылкытатод».

⁴¹Иисус сое жалям, кизэ жутыса со борды йётйсь-
кем но шуэм: «Мынам чылкытатэме потэ, дунма».

⁴²Та кыльёс бере, висисьлэн мугорысьтыз соку ик
гижлоосыз быриллям но со чылкыт луэм. ⁴³Юн

алыса, Со соку ик сое келям ⁴⁴но шуэм: «Уть,
нокинлы но номыр эн вера; мын но священниклы
возматйськы, мугорыд чылкыт луэм понна, Мои-
сейлэсь косэмзэ ну, соослы тодытон понна».

⁴⁵Нош со мурт татысь потэм но асэныз луэм учыр сярысь
ваньмызлы вераны кутскем, соин сэрен Иисус
городэ чакласькытэк пырыны быгатымтэ ини,
город съёрысь калык ветлонтэм интыосын Со
улэм. Со доры пёртэм пальёсысь адямиос лык-
тылйлллям.

2-тй ЛЮКЕТ

¹Көнә ке нунал ортчыса, Иисус нош ик Капернауме лыктэм; тодмо луэм, Со коркан шуыса. ²Со куспын ик трос калык люкаськем, өс дорын но буш инты луымтэ ини. Соосты Со дышетыса улэм. ³Ньыль ёошен жутыса Со доры одйг пери шуккем муртэз ваиллям. ⁴Калык туж трос луэмысь, Солэн матаз лыктэмзы луымтэ; коркалэсь липетсэ усьтыса, валесэныз валче, пери шуккем муртэ Со доры васькытйллям. ⁵Соослэсь оскемзэс адзыса, Иисус висисьлы шуэм: «Пияш! Тынад съолькьёсыд куштйсько». ⁶Татын пуко вылэм книга тодйсьёс пöлысь куд-огъёсыз, сюлмазы соослэн таёе малпан вылэм: ⁷«Малы Со сокем Инмарез сантэма? Инмар сяна, кин съолькьёсты куштыны быгатэ?» ⁸Иисус соку ик таослэсь таёе малпанзэс Ас духеныз тодэм но соослы шуэм: «Малы тй сюлмады сыёе малпанэн улйськоды? ⁹Мар капчигес? Пери шуккем муртлы ”съолькьёсыд куштйсько” шуыны-а, яке ”султы, басьты валестэ но ветлы” шуыны-а? ¹⁰Адями Пилэсь музейем вылын съолькьёсты куштыны кужым ваньзэ тй мед тододы шуыса, – висись муртлы шуэм: ¹¹«Тыныд верасько: султы, басьты валестэ но гуртад берт». ¹²Со соку ик султэм, валессэ басьтыса, калык азьтй потэм, ваньзы талы паймиллям но Инмарез даньяса шуиллям: «Милям таёеез ноку но адзылэммы ой вал на». ¹³Иисус нош ик зарезь дуре потэм; вань калык Со доры мынэм, Со соосты дышетэм. ¹⁴Ортчыкуз,

выт бичан дорын пукись Алфей пи Левиез адзем но солы шуэм: «Мон сьöры мын». Соиз султэм но Со сьöры кошкем. ¹⁵Иисус солэн корказ сиськыса улон дырья, Соин чöш дышетскисьёсыз, озьы ик выт бичасьёс но сьöлыкоос огазын сиськиллям; трос кузя соос выльилям, соос Со сьöрын ветлиллям. ¹⁶Книга тодисьёс но фарисейёс, Солесь выт бичасьёсын но сьöлыкоосын валче сиськемзэ адзыса, Солэн дышетскисьёсызлы вераллям: «Кызы со озьы, выт бичасьёсын, сьöлыкоосын Со огазын сие-юэ?» ¹⁷Тае кылыса, Иисус соослы шуэм: «Висисьтэм муртлы бурмытйсь кулэ öвöл, висись муртлы кулэ; шонер улйсьёсты öтыны Мон öй лыкты, сьöлыкоосты öбкельыса сьöлыкьёссылэсь куштйськонэ öтыны лыктй».

¹⁸Иоаннлэн дышетскисьёсыз но фарисейёслэн дышетскисьёссы визяса улйллям. Со доры лыкто но шуо: «Малы Иоаннлэн но, фарисейёслэн но дышетскисьёссы визяло, нош Тынад дышетскисьёсыд визез уг утё?» ¹⁹Иисус соослы шуэм: «Эмеспи лыктон дырья, сюанчиос быгато-а визяны? Эмеспи соос пöлын улон дырья, соос визяны уг быгато. ²⁰Но вуозы нунальёс, куке соос дорысь эмеспи басьтйськоз, соку, со нунальёсы, соос визялозы но.

²¹Нокин но пöсьтэм дйськутэз гужатымтэ дэраен уг кышья, малы ке шуид, выль кышйет вужез бордысь жезыськоз но, соку пасез уката но уродгес луоз. ²²Выль винаез нокин но вужмем сепысьёсы уг лэзы, малы ке шуид, выль вина сепысьёсыз кесёз но, соку вина кисьтйськоз, сепысьёс но арам

луозы; выль винаез выль сепысьёсы лэзыны кулэ».

²³Одйгаз суббота нуналэ Солы ю бусы вамен потоно луэм; мынон куспетйзы, Солэн дышетс-кисьёсыз ю шепьёсты чигтылыны кутскиллям.

²⁴Соку фарисейёс Солы шуиллям: «Учкы, мар соос суббота нуналэ даурто, – лэсьтыны ярантэм ужез лэсьто?!» ²⁵Соослы Со шуэм: «Давидлэн но соин

ёш луэмьёслэн кётсы сюман дырья, Давидлэн ма каремез сярысь ноку но лыдземды өвөл шат?

²⁶Кызы со Авиафар архиерей дырья Инмар корка пырем но священникёслы гинэ сиыны ярано курбон нянез сием, асэныз валче ветлйсьёслы но сётэм?» ²⁷Соослы Иисус верам: «Суббота адями понна, адями суббота понна өвөл; ²⁸соин ик Адями Пи субботалы но кузё луэ».

3-тй ЛЮКЕТ

¹Иисус нош ик синагогае лыктэм; отын кыиз куасьмем мурт вылэм. ²Янгыше уськытон вылысь, Со съёрын чакласа улйллям: суббота нуналэ уз бурмыты-а Со висисез. ³Кыиз куасьмем муртлы Со шуэм: «Султы шораз». ⁴Нош соослы Со шуэм: «Суббота нуналэ мар лэсьтыны яра: зеч уж-а, яке урод уж-а? Лулэз утыны-а, яке быдтыны-а?» Нош соос шып улйллям. ⁵Сюлмазы урод малпанэн улэмзы понна куректыса, вожез потыса шоразы учкем но, со висись муртлы шуэм: «Кидэ шонер кар». Шонер карем но, висись кыиз, мукетыз кадъ

ик, таза луэм. ⁶Фарисейёс соку ик кыре потйллям но, Иродлэн адямиосыныз огазе кариськыса, Иисусэз быдтон вылысь куспазы кенеш ортчытйллям.

⁷Нош Иисус Аслаз дышетскисьёсыныз зарезь дуре кошкем. Со съёры трос калык мынэм, соос Галилеяысь, Иудеяысь, ⁸Иерусалимысь, Идумеяысь но Иордан шур съёрысь выйллям. Солэсь лэсьтэм ужъёссэ кылыса, Тир но Сидон каръёс котырын уйсьёс туж трос кузя Со доры лыктйллям. ⁹Калык уноысь, Сое медаз жикатэ шуыса, дышетскисьёссэ пыж дасяны косэм. ¹⁰Трос висисьёсыз бурмытэм, бордаз йөтйськон вылысь, гижлоё-яраё муртъёс Солэн аяз пыдесьяськылйллям. ¹¹Сое адзем бере, периос но, Солэн аяз уськытйськыса, «Тон – Инмар Пи» шуыса кесяськиллям. ¹²Солэсь Кин луэмзэ шарае медаз поттэ шуыса, соосты Со кужмысь алылэм.

¹³Собере Со гурезе тубем но, кин Солы кулэ, Ас дораз өтем; соос дораз лыктйллям. ¹⁴Соос пöлысь, Асэныз ёош улон но тодытыса ветлон вылысь, Иисус дас кык муртэз быръем, ¹⁵висёнъёсты бурмытыны но периосты улляса поттыны соослы кужым сётэм. ¹⁶Быръем Симонэз, солы Петр ним сётэм; ¹⁷Зеведей пи Иаковез но солэсь вынзэ Иоаннэз, соослы Воанергес ним сётэм, кудйз «гудыри пиос» шуэм луэ; ¹⁸Андреез, Филиппез, Варфоломеез, Матфеез, Фомаез, Алфей пи Иаковез, Фаддеез, Кананит Симонэз ¹⁹но Искарот Иудаез, кудйз Сое вуаз но.

²⁰Собере соос корка пыриллям, но нош ик калык люкаськем, нянь сиыны но маза луымтэ ни. ²¹Со капчиомемын шуыса вераськемез кылйллям но матысь муртъёсыз Сое нуыны лыктйллям. ²²Иерусалимысь лыктэм книга тодйсьёс вераськиллям, Со пушкын, пе, веельзевул пуке, периосты, пе, Со периослэн эксэйзылэн кужмыныз улляса потта. ²³Иисус соосты дораз өтем но соослы мадыса верам: «Кызьы быгатоз шайтан шайтанэз улляны? ²⁴Эксэйлык аслыз ачиз пумит люкиськиз ке, со эксэйлык возиськыны уз быгаты ни. ²⁵Юрт аслыз ачиз пумит люкиськиз ке, со юртолэн возиськемез уз луы ни. ²⁶Шайтан но аслыз ачиз пумит султйз ке, солэн возиськемез уз луы ни, солэн бырон дырыз вуиз. ²⁷Кужмо муртолэн корказ пырыса, солэсь ваньбурзэ нокинлэн но лушкамез уз луы, сое өд ке думылы, собере гинэ юртысьтыз лушкаськыны луоз. ²⁸Зэм ик тйледлы верасько: адями пиослэн вань сьöлыкъёссы но урод верамъёссы, кыче гинэ кыльёсын уз тышкаське, ваньмыз куштйськозы; ²⁹нош кин Святой Дух вылэ урод кыл вераз ке, со муртолэн сьöлыкъёсыз ноку но уз куштйське, со пумтэм дауръёслы судэ сюрöz». ³⁰Солэн пушказ пери пуке шуэмьсьтызы, та кыльёсты Со верам.

³¹Анаез но выньёсыз лыктйллям, корка пырытэк педлон сйлйллям но Сое доразы öтьыны ыстйллям. ³²Со котырын калык пукем. Солы ивортйллям: «Тани Тынад Анаед но, выньёсыд но, сузэръёсыд но педлон сыло, Тонэ утчало». ³³Соослы Со тазы верам: «Кин Мынам анае, кин Мынам

выньёсы?»³⁴ Ас котыраз пукись калык шоры учкем но шуэм: «Тани Мынам анае но, тани Мынам выньёсы но; ³⁵уго кин Инмар эрикез быдэсьяса улїз, со ик Мыным вын но, сузэр но, анай но».

4-тй ЛЮКЕТ

¹Зарезь дурын нош ик дышетыны кутскем; Со доры трос калык люкаськем, соин ик Со зарезь вылысь пыже пырыса пуконо луэм, нош вань калык сылэм зарезь дурысь музейем вылын. ²Мадёнъёс пыр соосты Со уно дышетэм. Дышетыса Со тазы верам: ³«Кылзйськелэ: тани кизись кизыны потїз. ⁴Кизыкуз озы луэм: кудїз ке но кидысэз сюрес дуре усем, тылобурдоос лык-тїллям но кукчаса быдтїллям. ⁵Мукетъёсыз изо, өжыт сюё интые усиллям но жоген удаса потїллям, малы ке шуоно, отын сюез лазег вылэм; ⁶шунды жужам но, шуяллям; выжызы вылымтэен, куасьмиллям. ⁷Мукетъёсыз бышкись будосъёс пöлы усиллям, бышкись будос жужам но кидысэз жокатэм, соин ик со емыш но сётымтэ. ⁸Нош кудогез, зеч музейеме усемез, пушьем, будэм но емыш сётэм, кудїз сётэм куамын, кудїз куатьтон, кудїз сю». ⁹Собере соослы шуэм: «Кылыны пельыз вань мурт – мед кылоз!»

¹⁰Калык кошкем бере, Солэн вöзас дас кык дышеткисьёсыныз огазын сылїсьёс Солэсь та мадён сярись юаллям. ¹¹Иисус соослы шуэм: «Инмар Эксэйлыклен ватїськыса улїсь зэмлыкез

тйледлы шонерак тодытйське, нош педлосьёслы
– мадёнъёс пыр гинэ. ¹²Соин ик
соос синмынызы учко но – уг адзо,
пельынызы кыло но – уг валало;
берытскизы ке, соослэн съöлыкъёссы
куштйськозы».*

¹³Соослы шуэм: «Та мадёнэз уд валаське шат?
Кызы меда валалоды вань мадёнъёсыз? ¹⁴Кизись
мурт кыл кизе. ¹⁵Сюрес дуре кизиськемез возматэ
сыче муртъёсты: соос пушкы кыл кизиське, кылэм
беразы ик соос доры шайтан лыктэ но сюлмазы
кизиськем кылэз лушкаса кошке. ¹⁶Тазы ик изо
интые кизиськемез возматэ сыче муртъёсты: соос
кылэз кыло но соку ик сое шумпотыса кабыл
басьто, ¹⁷нош пушказы выжыоссы öвöл, йыг-
йыгесь öвöл; бöрысь куректон дыръёс вуо ке, яке
кыл понна улляны кутско ке, соку ик соос
канжаськыса усъыло. ¹⁸Бышкись будосъёс пöлы
кизиськемез возматэ кылэз кылйсь муртъёсты,
¹⁹но та даурлэн сюлмаськонъёсыз, узырлыклы
синмаськон но мукет кулэясъконъёс соос пушкы
пыро но кылэз жокато, соин ик со емыштэк кыле.
²⁰Зеч музьеме кизиськемез возматэ сыче муртъёс-
ты: соос кылэз кылзо, сюлмазы поно но емыш
ваё: одйгез куамын, мукетыз – куатьтон, куд-огез
сю полэс».

²¹Соослы Со шуэм: «Сюсьтылэз посуда улэ яке
кровать улэ пуктыны ваё шат? Сюсьтыл пуктонэ
пуктон понна öвöл-а? ²²Номырлэн но лушкем,

* 4:12 Ис. 6:9-10.

шарае потытэк кылемез уг луы; но кыче ватйськемлэн но кыре потытэк кылемез уг луы. ²³Кылыны пельыз вань мурт – мед кылоз!»

²⁴Соослы Со шуэм: «Чаклалэ кылэмдэс: кыче мертэтэн мерталоды, сыче мертэтэн ик тйледлы но мертаськоз, тйледлы, кылзйсь муртъёслы, ватсаськоз на. ²⁵Ванё муртлы сётйськоз, нош өвөлэн, маиз вань, соиз но басьтйськоз».

²⁶Со шуэм: «Инмар Эксэйлык адямилэн музейе куштэм кидысэзлы укша. ²⁷Изе но, султэ но, уин но, нуназе но, кызыы уда, кызыы жужа кидыс – со уг тоды. ²⁸Уго музейем ачиз нырысь вож узыым поттэ, собере – шеп, шепе тыраз ю люка. ²⁹Емышез кисьма ке, соку ик сюрло келя, малы ке шуид, аран дыр вуиз».

³⁰Со шуэм: «Маин ёшатома Инмар Эксэйлыкез? Яке кыче мадёнэн сое возьматомы? ³¹Со горчица кидыс выллем: музейе кизыыку, дунне вылысь вань кидысьёслэсь со векчи; ³²нош кизем бере, удаса пушье но вань будосьёслэсь жужыт луэ, бадзымесь вайёс лэзе, соку солэн саюлаз инмысь тылобурдоослэн пегзыса улэмзы луэ».

³³Кылзыны кужымзы тырмытозь, та выллем трос мадёнъёсын Со кыл вераса дышетэм. ³⁴Мадёнъестэк соослы Со номыр но верамтэ, нош дышетскисьёсызлы, асьсэ понна кылыыку, ваньзэ валэктыса вераллям.

³⁵Со нуналэ жыт Иисус соослы шуэм: «Тупала потоме». ³⁶Калыкез лэзем беразы, Сое, пыжын пукисез, сьёразы басьтиллям. Соин ёш мукет пыжьёс но вылэм. ³⁷Шимес төлпери жутскем;

тулкымъёс пыж борды шуккиськылллям, соин сэрен пыже тыраз ву люкаськем. ³⁸Со кӧлэм пыжлэн бер люкетаз, йыролтэс вылын. Сое сайкатйлллям но шуиллям: «Дышетйсь! Быриськомы ни, Тыныд нокиче но уг поты шат?» ³⁹Султыса Со тӧлэз дугдыны косэм, зарезьлы алыса шуэм: «Чалмытскы, дугды». Тӧл дугдэм но туж чалмыт луэм. ⁴⁰Собере соослы Со шуэм: «Малы тй сокем кышкasesь? Малы тйляд осконды ӧвӧл?» ⁴¹Шимес кышканэз адзем беразы, соос куспазы вераськилллям: «Кин Со сыче – тӧл но, зарезь но Солэсь кылзйсько?»

5-тй ЛЮКЕТ

¹Зарезьлэн мукет палаз, Гадара шаере вуиллям. ²Пыжысь потыса гинэ вуэм, Солэн пумитаз шайгуысь перияськыса улйсь мурт лыктэм. ³Со муртлэн улон интыез шайгуосын вылэм; нокинлэн но сое жильыен но думылэмез луымтэ. ⁴Уно пол со думылэмын, жильыямын вылэм, нош со жильыосты чигтылэм, думетьёсты тйяллям; нокинлэн но сое буйгатэмез луымтэ. ⁵Чик дугдылытэк, уй но нунал, гурезьёсын, шайгуосын кесяськыса, изъёс борды ассэ йыгаса улэм. ⁶Кыдёкысен ик Иисусэз адзем, Со доры бызьыса лыктэм но Солы йыбырттэм, ⁷бадзым куараен черектйськыса шуэм: «Иисус, Вылысь Инмарлэн Пиез, Тынад мон бордын мар ужд? Инмарлэн нимыныз Тонэ тэльмырыса курисько: эн курадзыты монэ!» ⁸Уго

Иисус солы шуэм: «Пери, пот та адямилэн пушкысьтыз». ⁹Солэсь юам: «Кызьы тынад нимыд?» Солэн пумитаз со шуэм: «Легион мынам нимы, малы ке шуоно, ми трос кузя». ¹⁰Та музеймысь эн улля вал шуыса, периос Солэсь туж куриськиллям.

¹¹Гурезь вöзын бадзым парсь уллëез возьмало вылэм. ¹²Вань периос Солэсь куриськиллям: «Парсьëс пушкы милемыз ысты, соос пушкы ми мед пырысалмы». ¹³Иисус соослэсь куронзэс соку ик быдэстэм. Периос потйллям но парсьëс пушкы пыриллям. Соку ик парсьëс меç яр йылысен зарезе тэтчаллям, отын ог кык сюрс пала парсьëс вылэм; ваньзы зарезе выиллям. ¹⁴Нош парсь возьмасьëс бызьыса кошкиллям но городын, гуртьëсын та сярысь ивортйллям. Отын улйсьëс мар луэмез учкыны потйллям. ¹⁵Иисус доры лыктэм беразы адзйллям: перияськыса ветлйсь адями, кудйзлэн пушказ легион улэм, дйськыса пуке, визьмаськем ни; тае адзыса куаляк усиллям. ¹⁶Адзйсь муртьëс соослы вераллям, мар луиз перияськем муртэн, парсьëс сярысь но. ¹⁷Та котырысь мед кошкоз вал шуыса, Сое курыны кутскиллям. ¹⁸Пыже пырем бераз, перияськыса улэм мурт Сое курем, Соин çош ветлыны мед лэзëз шуыса. ¹⁹Нош Иисус сое лэзьымтэ, Со шуэм: «Гуртад берт аладьëс доры но вера Кузë-Инмар тонэн мар кариз, кызьы Со тонэ жалыз». ²⁰Со мурт Дас каро музейме мынэм но Иисуслэсь соин ма каремзэ тодытыса ветлэм. Ваньзы талы паймиллям.

тулкымъёс пыж борды шуккиськылйллям, соин сэрэн пыже тыраз ву люкаськем. ³⁸Со көлэм пыжлэн бер люкетаз, йыролтэс вылын. Сое сайкатйллям но шуиллям: «Дышетйсь! Быриськомы ни, Тыныд ноқыче но уг поты шат?» ³⁹Султыса Со төлэз дугдыны косэм, зарезьлы алыса шуэм: «Чалмытскы, дугды». Төл дугдэм но туж чалмыт луэм. ⁴⁰Собере соослы Со шуэм: «Малы тй сокем кышкасесь? Малы тйляд осконды өвөл?» ⁴¹Шимес кышканэз адзем беразы, соос куспазы вераськиллям: «Кин Со сыче – төл но, зарезь но Солэсь кылзйсько?»

5-тй ЛЮКЕТ

¹Зарезьлэн мукет палаз, Гадара шаере вуиллям. ²Пыжысь потыса гинэ вуэм, Солэн пумитаз шайгуысь перияськыса улйсь мурт лыктэм. ³Со муртлэн улон интыез шайгуосын вылэм; нокинлэн но сое жильыен но думылэмез луымтэ. ⁴Уно пол со думылэмын, жильыямын вылэм, нош со жильюсты чигтылэм, думетъёсты тйяллям; нокинлэн но сое буйгатэмез луымтэ. ⁵Чик дугдылытэк, уй но нунал, гурезьёсын, шайгуосын кесяськыса, изъёс борды ассэ йыгаса улэм. ⁶Кыдёкысен ик Иисусэз адзем, Со доры бызьыса лыктэм но Соли йыбырттэм, ⁷бадзым куараен черектйськыса шуэм: «Иисус, Вылысь Инмарлэн Пиез, Тынад мон бордын мар ужед? Инмарлэн нимыныз Тонэ тэльмырыса курисько: эн курадзыты монэ!» ⁸Уго

Иисус солы шуэм: «Пери, пот та адямилэн пушкысьтыз». ⁹Солэсь юам: «Кызьы тынад нимыд?» Солэн пумитаз со шуэм: «Легион мынам нимы, малы ке шуоно, ми трос кузя». ¹⁰Та музьемысь эн улля вал шуыса, периос Солэсь туж куриськиллям.

¹¹Гурезь вöзын бадзым парсь уллëез возьмало вылэм. ¹²Вань периос Солэсь куриськиллям: «Парсьëс пушкы милемыз ысты, соос пушкы ми мед пырысалмы». ¹³Иисус соослэсь куронзэс соку ик быдэстэм. Периос потйллям но парсьëс пушкы пыриллям. Соку ик парсьëс меё яр йылысен зарезе тэтчаллям, отын ог кык сюрс пала парсьëс вылэм; ваньзы зарезе выиллям. ¹⁴Нош парсь возьмасьëс бызьыса кошкиллям но городын, гуртьëсын та сярысь ивортйллям. Отын улйсьëс мар луэмез учкыны потйллям. ¹⁵Иисус доры лыктэм беразы адзйллям: перияськыса ветлйсь адями, кудйзлэн пушказ легион улэм, дйськыса пуке, визьмаськем ни; тае адзыса куаляк усиллям. ¹⁶Адзйсь муртьëс соослы вераллям, мар луиз перияськем муртэн, парсьëс сярысь но. ¹⁷Та котырысь мед кошкоз вал шуыса, Сое курыны кутскиллям. ¹⁸Пыже пырем бераз, перияськыса улэм мурт Сое курем, Соин ёош ветлыны мед лëзëз шуыса. ¹⁹Нош Иисус сое лëзымтэ, Со шуэм: «Гуртад берт асладьëс доры но вера Кузё-Инмар тонэн мар кариз, кызьы Со тонэ жаляз». ²⁰Со мурт Дас каро музьеме мынэм но Иисуслэсь соин ма каремзэ тодытыса ветлэм. Ваньзы талы паймиллям.

²¹Иисус, пыже пуксьыса, мукет пал ярдуре потэм бере, Со котыре трос калык люкаськем. Со зарезь дурын вылэм. ²²Тани, синагогаысь кузёос пöлысь одйгез, Иаир нимо мурт, лыктэм но, Сое адзыса, Солэн пыд аяз уськытйськем. ²³Солэсь туж курем: «Нылы кулйське ни; лыктыса со вылэ кидэ пон, мед бурмысал, улэп мед кылысал». ²⁴Иисус соин ёош мынэм.

Со бöрсы трос калык мынэм, Сое жиптйллям. ²⁵Вирыз кошкыса, дас кык ар ёоже курадзыса улйсь одйг кышномурт ²⁶трос эмьясьёс дорын трос чидано луэм, маиз гинэ вылэм, ваньзэ быдтэм, пайдаез нош нокрыёе но луымтэ, эшшо но уродгес гинэ луэм, ²⁷Иисус сярись кылэм но, калык пöлтй бертйз лыктыса, Солэн дйськут бордаз йöтйськем; ²⁸«Дйськут бордаз гинэ йöтйськи ке – бурмо», – со шуэм вылэм. ²⁹Со куспын ик вирыз виямысь дугдэм, висёнэз быриз ни шуыса мугорыз шödэм. ³⁰Со дыре ик, Иисус Ас пушкысьтыз кужмызлэсь потэмзэ шödэм, калык пала кариськыса шуэм: «Кин Мынам дйськут бордам йöтйськиз?» ³¹Дышетскисьёсыз Солы шуиллям: «Адзиськод, калык кызыы Тонэ жиптэ, эшшо юаськод: ”Кин Мон борды йöтйськиз?»» ³²Со котырак учкем, мед адзо вал, кин тае лэсьтйз шуыса. ³³Туж кышкаса но куалектыса, асэныз мар луэмез тодыса, Со доры кышномурт лыктэм, аяз уськытскем но, номыре ватытэк, ваньзэ верам. ³⁴Нош Иисус солы шуэм: «Нылмурт! Тынад осконэд тонэ мозмытйз, каньылэн берт, та висёнэныд эн ни висы».

³⁵Та кыльёсыз Со веран куспетй синагогалэн кузёезлэн дорысьтыз лыктйллям но шуиллям: «Нылыд кулйз ни, малы раньзытйськод* на Дышетйсьез?» ³⁶Иисус та кыльёсыз кылэм но синагогалэн кузёезлы соку ик шуэм: «Эн кышка, оскыгинэ». ³⁷Петрез, Иаковез, Иаковлэсь вынзэ Иоаннэз сяна, нокинэ но бёрсяз мыныны лэзьымтэ. ³⁸Синагогаысь кузёлэн гуртаз вуэм но куалектэм, викышьяса, куараен бёрдйсь адымиосты адзем. ³⁹Пырем но шуэм: «Малы чигиськиськоды, бёрдйськоды? Нылды кулэмын өвөл, со изе гинэ». ⁴⁰Солэсь верамзэ серем кариллям. Нош Со ваньзэс поттэм, бордаз ныллэсь атайзэ, анайзэ, Асэныз ёш ветлйсьёсты басьтэм но ныллэн кыллэн интыяз пырем. ⁴¹Нылмуртэз китйз кутэм но шуэм: «Талифа-куми», кудйз «нылаш, тыныд верасько, султы» шуэм кыл луэ. ⁴²Нылмурт соку ик султэм но ветлыны куткем; солы ог дас кык арес вылэм. Тае адзисьёс туж паймиллям. ⁴³Та учыр сярысь нокин но медаз тоды шуыса, юн алыса верам, ныллы сиён сётыны косэм.

6-тй ЛЮКЕТ

¹Отысь потэм но Аслаз вордйськем шаераз бертэм; Со бёрсьы дышеткисьёсыз лыктйллям. ²Суббота нунал вуэм, Со синагогаын дышетыны куткем; кылзйськем муртьёс паймыса вераськиллям:

* 5:35 Жадьытыны, курадзытыны, акыляк поттыны.

«Кытысен талы сётйськемын? Кыче сыче визь Солы сётэмын? Кызы та́че паймымон ужъёс Солэн кыныз лэсьтйсько? ³Тйрен ужась мурт өвөл-а Со, Мариялэн пиез, Иаковлэн, Иосиялэн, Иудалэн, Симонлэн братсы өвөл-а Со? Татын, асьме пöлын өвөл-а Солэн сузэръёсыз?» Озыы Со сярысь сьöлыкаллям. ⁴Иисус соослы шуэм: «Пророк дантэм уг луы, вордскем шаераз, чыжы-выжыосыз дорын, аслаз гуртаз сяна». ⁵Татын Со но кы́че но паймымон ужъёс лэсьтыны быгатымтэ; көня ке висисьёсты гинэ вылазы кизэ поныса бурмытэм. ⁶Соослэн оскымтэзылы Со паймем.

Собере артысь бускель гуртёстй дышетыса ветлэм. ⁷Дас кыкназэс ик өтем но соосты кыкен-кыкен лэзьылыны кутскем, периосты улляса поттылыны кужым сётэм. ⁸Сюрес вылэ потыкузы, одйг боды сяна, пуйы но, нянь но, кускерттоназы коньдон но басьтыны косымтэ, ⁹пыдазы огшоры пыдкучан поныны косэм, кык пумо дйсян но басьтыны косымтэ. ¹⁰Соослы Со шуэм: «Кудаз ке корка пыриды, та интыысь кошкытозяды, отын ик улэ. ¹¹Кин ке тйледыз пырыны өз лэзьы, тйледыз өз ке кылзйськы, соос дорысь потыкуды, соосты тодытон понна, пыдкучан бордысьтыды сюйзэ курткыса кельтэ. Зэм ик тйледлы верасько: суд нуналэ Содомен Гоморралы сярысь но та городлы секытгес луоз». ¹²Соос потйллям но öбкельыса сьöлыкъёслэсь куштйськон сярысь тодытыса ветйлйлям. ¹³Трос периосты улляса поттылйллям, трос висисьёсты вöйын зыраса бурмытылйллям.

¹⁴Ирод эксэй Иисус сярись кылэм но, – Солэн нимыз тодмо луэм ни, – «та Иоанн Пылатйсь кулэмысь улзыса султэм, но соин ик Со пыр таё паймымон ужъёс лэсьтйсько» шуэм. ¹⁵Мукетъёсыз «Та Илия» шуиллям. Нош мукетъёсыз шуиллям: «Та пророк яке пророкъёс пöлысь одйгез». ¹⁶Нош Ирод кылэм но шуэм: «Иоанн со, мон солэсь йырзэ ёогыса басьтй; со кулэмысь улзыса султэм». ¹⁷Та Ирод, Филипп вынызлэн Иродиада нимо кышноез понна, Иоаннэз кутытэм но пытсэтэ ворсатэм, малы ке шуид, та кышномуртэз со аслыз кышно карем. ¹⁸Иоанн Иродлы вера вылэм: «Выныдлэсь кышнозэ тыныд кышно карыны уг яра». ¹⁹Иродиада со вылэ йыркуръяськыса, виемез потыса улэм, но быгатымтэ. ²⁰Ирод Иоаннлэсь кышкаса улэм, со тодэ вылэм уго та пиосмурт шонер, дун-сьöлыктэм улйсь шуыса, соин ик сое утыны тыршем; солэсь кылзйськыса трос лэсьтэм, шумпотыса сое кылзйськем. ²¹Тупамон нунал вуэм. Ирод вордйськем нуналзэ пусйыны шуыса, юон дыр карем но аслэсьтыз кузёйырёссэ, сюрс солдатэн кивалтйсьёсты но Галилея музеймысь төроосты өтчам. ²²Иродиадалэн нылыз пырем но эктэм, Иродлы но, куноослы но со кельшем. Эксэй нылашлы шуэм: «Кур, мар тыныд кулэ – ваньзэ сёто». ²³Кылзэ сётыса шуэм: «Мар гинэ тон мынэсьтым уд куры – ваньзэ сёто, жыны эксэйлыкме но сёто». ²⁴Со ныл потэм но анаезлэсь юам: «Мар куроно?» Соиз шуэм: «Иоанн Пылатйсьлэсь йырзэ». ²⁵Соку ик со дыртыса эксэй доры пырем

но курем: «Иоанн Пылатйсьлэсь йырзэ, тэркые поныса, али ик мыным мед сётод». ²⁶Эксэй ку-ректонэ усем. Но, куноосыз азын кыл сётэмзэ тодаз вайыса, пумитъяськемез потымтэ ини. ²⁷Со-ку ик эксэй аслэсьтыз мугор возьмасьсэ Иоанн-лэсь йырзэ вайыны косэм. ²⁸Со пытсэтэ пырем, йырзэ ёогыса тэркые понэм но ныллы вайыса сётэм, нош та ныл сое аслаз анаезлы сётэм. ²⁹Та сярысь дышетскисьёсыз кылйллям, лыктыса со-лэсь мугорзэ бастйллям но шайгуэ понйллям.

³⁰Апостольёс Иисус доры люкаськиллям но мар-лэсьтэмзы, малы дышетэмзы сярысь ваньзэ ве-раллям. ³¹Иисус соослы шуэм: «Асьтэ понна ка-лыктэм интые мынэ но ёжытак шутэтске». Лык-тйсьёс, кошкисьёс трос луэмен, соослы сиськыны но маза уг луы вылэм. ³²Пыже пуксиллям но асьсэ понна калыктэм азе кошкиллям. ³³Калык соослэсь кошкемзэс адзем, тросэз соосты тодмаллям; вань городъёсысь пыдын мынйсьёс татчы бызьыса азылогес вуиллям но Со котыре люкаськиллям. ³⁴Иисус потэм, Со трос калыкез адзем, Со-лы соос жаль потйллям, соос возьмаськисьтэк кылем ыжъёс кадесь вылйллям уго; собере соосты Со трос дышетыса улэм. ³⁵Огшап дыр орчем бере, дышетскисьёсыз Со доры лыктйллям ио шуил-лям: «Татын кыр инты, нош дыр трос ини». ³⁶Тон соосты артысь гуртъёсы лэзь, асьсэлы нянь мед бастозы, соослэн номыр но сиёнзы ёвёл ук». ³⁷Соослэн пумитазы Иисус шуэм: «Тй соослы сиён сётэлэ». Со-лы соос шуиллям: «Милемлы асьмелы мыныса, ог кык сю динарий тыр нянь бастыса

соосты сюдоно ке шат?»³⁸ Нош Со соослэсь юам: «Кöня няньды вань тйляд? Мынэлэ, учкелэ». Мыныса тодйллям но вераллям: «Вить няньмы но кык чорыгмы». ³⁹Собере соосты Со ваньзэс люкрак вож гуждор вылэ пуктылыны косэм. ⁴⁰Витьтон муртэн, сю муртэн чурен-чурен пуксьылйллям. ⁴¹Со вить нянез но кык чорыгез кутэм, инме учкыса бакель карем но, нянез тйялтыса, дышетскисьёсызлы сёткам, люкаськем калыклы соос мед люкылозы шуыса. Кык чорыгез но ваньмызлы люкем. ⁴²Ваньзы сииллям, ваньзылэн көтсы тырем. ⁴³Нянь юдэсьёсты но чорыглэсь кылемьёссэ дас кык кудые пачылаз люкаллям. ⁴⁴Нянь сиисьёс пöлын ог вить сюрс мурт вылэм.

⁴⁵Ачиз, калыкез келян дырья, дышетскисьёссэ пыже пуксьыны но тупала, Вифсаида котыре, азьлогес выжныны косэм. ⁴⁶Соосты келям но Ачиз гурезь йылэ вöсяськыны тубем. ⁴⁷Жытпал пыжзы зарезь шорын вылэм ни, нош Со огназ музьем вылэ кылем. ⁴⁸Со адзем, төл пужет пельтэмен сэрен, дышетскисьёсызлэсь ву вылын курадземзэс; уин, ньылетйезлы возмаськисьлы воштйськон дыр вуыку, соос доры Со зарезь вылтй пыдын лыктэм; вöзтйзы потыса кошкыны турттэ вылэм. ⁴⁹Солэсь зарезь вылтй вамышьяса лыктэмзэ адзиллям но, та пöртмаськись, дыр, шуыса, черектйськиллям. ⁵⁰Сое адзыса ваньзы кышкатскиллям. Соку ик соосын Со вераськыны кутскем но шуэм: «Йыгмыт кариське, Мон со, эн кышкалэ». ⁵¹Соослэн пыжазы пырем; төл дугдэм. Асьсэ куспын соос туж паймиллям, абдраллям. ⁵²Сюлэмьёссы из кадь

чурыт вылэмысь, нянь люкылыку луэм паймымон
ужез адзыса но соос валатскиллямтэ.

⁵³Мукет пала выжыса, Геннисарет шуон музьеме
вуиллям но ярдуре дугдйллям. ⁵⁴Пыжысь потэм
беразы, татын улйсьёс Сое соку ик тодмаллям
но, ⁵⁵быдэсак шаерзэс ортчиллям, Солэсь кытынзэ
тодйллям но соку ик Со доры висисьёсты ва-
лесэнызы валче вайылыны кутскиллям. ⁵⁶Кытчы
гинэ Со вуымтэ – гуртьёсы-а, городьёсы-а – коть-
кытын но висисьёссэс кыре поттылйллям, дйсез-
лэн дураз гинэ йөтйськыны мед лэзёз вал шуыса,
Солэсь куриськиллям; киньёс Со борды йөтйсь-
киллям, бурмиллям.

7-тй ЛЮКЕТ

¹Со доры люкаськиллям Иерусалимысь вуэм
фарисейёс но куд-ог книга тодйсьёс. ²Солэн куд-
ог дышетскисьёсызлэсь кырсь, миськымтэ, кий-
нызы нянь сиемзэс адйиллям но пыкылыны кутс-
киллям. ³Уго фарисейёс, вань иудейёс сямен ик,
вашкала пересьёслэсь косэмзэс кылзйськыса, кизэс
чылк-чылк миськытэк нянь уг сиё. ⁴Базарысь бер-
тэм беразы но, мисьтйськытэк уг сисько. Вань на
трос мукетыз, кудзэ соос быдэсьяно кариськызы:
тусьтыосты, кружкаосты, пуртыосты, скамьяосты
гылтон. ⁵Собере фарисейёс но книга тодйсьёс
Солэсь юаллям: «Малы Тынад дышетскисьёсыд,
вашкала пересьёслэсь косэмзэс кылзйськытэк,
милькымтэ кийнызы нянь сиё?» ⁶Соослэн пуми-

тазы Со шуэм: «Тй сярысь, калык азын чеберьяськисьёс сярысь, азьпалзэ тодытыса зеч вераз Исаия пророк, кызы гожтэмын:

⁶”Кылынызы та муртёс Монэ сйлы каро, нош сюлмынызы Мынэсьтым кыдёкын сыло.

⁷Адямиослэн малпам дышетонзылы, курон-косоньёссылы дышетыса, Монэ юнме гинэ сйлы каро”.*

⁸Малы ке шуоно, Инмарлэсь курон-косоньёссэ палэнтывса, тй адями косэмез быдэсьян борды кутйськиськоды, тусьтыосты, кружкаосты гылтон но трос мукет со выллем ужёсты лэсьтйськоды».

⁹Соослы Со шуэм: «Зеч-а луоз, Инмарлэсь курон-косонзэ палэнтывса, асьтэлэсь пельысь пеле вуэм верандэс быдэсьяны?» ¹⁰Моисей верам ук: ”Атайдэ но, анайдэ но сйлы кар”, нош ”атайзэ яке анайзэ урод кылын верась мурт кулонэн мед кулоз”.

¹¹Нош тй шуиськоды: кин атаезлы яке анаезлы шуиз ке: ”Корван (Инмарлы кузьым), соку мае тон мынэсьтым басьтысалыд”, ¹²со муртлы аслаз атаезлы яке аслаз анаезлы тй уд ни лэзиське номыр но лэсьтыны. ¹³Инмар кылэз палэнтйськоды асьтэлэн тупатэм сямьёсыныды; мукет та выллем ужёс лэсьтйськоды».

¹⁴Вань калыкез котыраз өтем но шуэм: «Ваньды ик Монэ кылзйське но валатйське. ¹⁵Адями пушкы педлось пырем номыр но саптаны уг быгаты сое, нош мар потэ со пушкысь, со сапта адямиез.

* 7:6-7 Ис. 29:13.

¹⁶Кылыны пельыз вань мурт – мед кылоз!» ¹⁷Калык пöлысь корка пырем бераз, дышетскисьёсыз Солэсь та мадён сярысь юаллям. ¹⁸Со шуэм: «Тй но сыёе ик валасьтэмесь-а? Оло уд валаське, ”адями пушкы педлось пырыса номыр но сое саптаны уг быгаты” шуэmez? ¹⁹Малы ке шуоно, со солэн скулмаз уг пыры, көт пушказ пыре; отысь педло потэ, озыы котькыёе но сиён сузяське». ²⁰Собере шуэм: «Адями пушкысь потэмез адямиез сапта; ²¹малы ке шуоно, пушкысь, адями скулэмысь пото уродэсь малпанъёс, азон-калгон съöлыке пырон, азыса-калгыса улон, адями виён, ²²луш-каськонъёс, кузьым октон, уродлык, кескич улон, азыса-калгыса кырсь улон*, көтпöсен улон, Инмарез сантэман, вылтйяськон, визьтэмьяськон. ²³Вань та уродлык пушкысь потэ но адямиез сапта».

²⁴Отысь потыса, Иисус лыктэм Тир но Сидон ёросьёсы; корка пырыса, нокинэ но тодматэмез уг поты вылэм, но ватйськемез луымтэ. ²⁵Со сярысь одйг кышномурт кылыса лыктэм но, Солэн дораз вуыса, аяз пыдесьяськем – со кышнолэн нылызлэн пушказ пери пуке вылэм. ²⁶Но со кышномурт язычница вылэм, Сирофиникия музьемьсь вылэм со. Нылыз пушкысь периез улляса мед поттоз вал шуыса, со Иисуслэсь куриськем. ²⁷Нош Иисус солы шуэм: «Нырысь ик нылпиос көтсэс мед тырозы; нылпиослэсь няньзэс басьтыса, пуныослы куштыны зеч öвöл ук». ²⁸Та

* 7:22 Непотребство.

кышномурт Солэн пумитаз шуэм: «Соиз зэм, Кузее; но пуныос но жок улын нылпиослэсь нянь пырыоссэс сие ук». ²⁹Кышномуртлы Со шуэм: «Табере гуртад берт, та кылыд понна, нылыд пушкысь пери потйз ни». ³⁰Дораз бертэм но адзем: нылыз пушкысь пери потэм, нылыз валесын кылле.

³¹Тир но Сидон каръёс котырысь кошкем но, Дас каро музейем пыр потыса, Иисус нош ик мынэм Галилей зарезь дуре. ³²Со доры пельтэм, могоаса вераськись муртэ ваиллям но, вылаз кизэ мед поноз вал шуыса, Солэсь куриллям. ³³Иисус сое калык пöлысь палэнэ нуэм, чиньыоссэ солэн пеляз понэм но сязыса кыл бордаз йöтйськем, ³⁴инме учкыса лулзиськем но солы шуэм: «Еффафа», кудйз «усьтйськы» шуэм луэ. ³⁵Соку ик солэн пельызлэн кылонэз усьтйськем, кылызлэн вераськон могжетэз бырем но чылкыт вераськыны кутскем. ³⁶Та сярысь нокинлы но вераны лэзьымтэ. Но макем Со алэм, сокем соос шараяса ветлйлям. ³⁷Туж паймиллям но вераллям: «Ваньзэ зеч каре: пельтэмъёсыз – кылйсь, кылтэмъёсыз вераськись каре».

8-тй ЛЮКЕТ

¹Со нунальёсы, кукке туж трос калык люкаськем, вань сиёнзы бырем, Иисус Аслэсьтыз дышетскисьёссэ öтем но шуэм: ²«Жаль потэ Мыным калык, куинь нунал Мон бордын уло ни, нош сиёнзы чик öвöл, ³сюдытэк гуртазы лэзи ке, сюрес вылын

лябзозы, кыдѣкысь лыктэмъёс но вань уго». ⁴Дышетскисъёсыз Солы шуиллям: «Соосты сюдыны кытысь, кин та кыр дуннеын нянь басьтыны быгатоз?» ⁵Соослэсь юам: «Кӧня няньды вань?» Соос шуиллям: «Сизьым». ⁶Соку Со калыкез муз вылэ пуксьылыны косэм; сизьым нянез басьтэм но, Инмарлы тау карыса, тйялтэм; калыклы мед люкылозы шуыса, дышетскисъёсызлы сёткам; соос калыклы сёткаллям. ⁷Кӧня ке но чорыгзы но вылэм; бакель карем но калыклы сётканы косэм. ⁸Сииллям, кӧтсы тырем; кылем нянь юдэсьёсэс сизьым кудые люкаллям. ⁹Сисъкисъёс ог ньыль сюрс мында вылэм. Соосты Со гуртазы лэзем. ¹⁰Нош Ачиз дышетскисъёсыныз ёош пыже пырем но Далмануф шуон шаере вуэм. ¹¹Фарисейёс потйллям но Соин ченгешыны кутскиллям, визьзэ сынаса, инмысен тодмет мед возматоз шуыса, Солэсь куриллям. ¹²Со мур лулзисъкем но шуэм: «Та выжы малы тодмет куре? Зэм ик тйледлы верасько, та выжылы тодмет уз сётйськы». ¹³Соосты кельтыса, нош ик пыже пырем но тупала выжем. ¹⁴Дышетскисъёсыз нянь басьтыны вунэтйллям, бордазы пыжын одйг гинэ нянь суқыризы вылэм. ¹⁵Дышетскисъёсызлы алыса верам: «Чаклаське, утиське фарисейёслэн шӧмзылэсь, Иродлэн шӧмызлэсь». ¹⁶Куспазы вераськиллям но шуиллям: «Асьмелэн няньмы өвӧл шуэмез та возматэ». ¹⁷Валатскыса Иисус соослы шуэм: «Малы тй няньмы өвӧл шуыса вераськисъкоды? Али но уд тодйське-а, уд валаське-а? Ялан сյолэмды измемын

на-а? ¹⁸Синды вань но – уд адзиське-а? Пельды вань но – уд кылйське-а? Тодады но уд ваиське-а? ¹⁹Вить сукири нянь тйялтыса вить сюрс муртэ сюдыкум, кӧня куды тыр нянь юдэсьёсты люкады?» Солы шуиллям: «Дас кык». ²⁰«Нош сизьымзэ ньыль сюрс муртлы тйялтыкум, кӧня куды тыр нянь юдэсьёсты люкады?» Шуиллям: «Сизьым». ²¹Соослы Со шуэм: «Али но тй уд на-а валаське?» ²²Вифсаидае вуэм. Со доры синтэм муртэз ваиллям но, со борды мед йӧтйськоз вал шуыса, Солэсь куриллям. ²³Синтэм адямиез, китйз кутыса, гурт сьӧры поттэм, синмаз сязыса, вылаз кизэ понэм но юам: «Мар ке адзиськод-а?» ²⁴Со мурт учкем но шуэм: «Кошкись муртёсты писпуосты кадь адзисько». ²⁵Нош ик солэн син вылаз кизэ понэм но учкыны косэм. Со бурмем но ваньзэ чылкыт адзыны кутскем. ²⁶Дораз бертыны косэм но шуэм: «Гуртэ эн пыры, гуртын нокинлы но эн вера». ²⁷Собере Иисус дышетскисьёсыныз Филипп Кесариялэн гуртёсаз мынэм. Сюрес вылысен дышетскисьёсызлэсь юам: «Адымиос Монэ кин шуыса лыдьяло?» ²⁸Соос вераллям: «Иоанн Пылатйсь шуо, мукетёсыз – Илия, нош куд-огез пророкъёс пӧлысь одйгез шуыса верало». ²⁹Соослэсь Со юам: «Нош тй асьтэос Монэ кин шуиськоды?» Петр ответ сётыса шуэм: «Тон – Христос». ³⁰Ачиз сярись нокинлы но вераны лэзьымтэ. ³¹Собере соосты Со «Адыми Пилы трос курадзонэз адзоно луоз, тӧроос, архиерейёс, книга тодйсьёс Сое палэнтозы, Со виемын луоз, куинетй

нуналаз улзыса султоз» шуыса дышетыны кутскем. ³²Тае Со шара, ваньмызлы кылйськымон верам. Петр, Сое палэнэ отьыса, пумит кыльёс вераны кутскем. ³³Дышетскисьёсыз пала берыктйськем но, шораз учкыса, Петрез вераськемысь дугдытэм, солы Со шуэм: «Палэнтйськы Мон бордысь, шайтан, Инмарлы яраноез сярысь тон уд малпаськы, адямины яраноез сярысь гинэ тон малпаськод». ³⁴Калыкез дышетскисьёсыныз ёош матаз отем но верам: «Кин Мон съёры мыныны турттэ, аслэсьтыз ачиз мед куштйськоз, кироссэ мед басьтоз но Мон бёрсы мед мыноз. ³⁵Уго кинлэн лулзэ утемез потэ, со сое ыштоз; нош кин Мон понна но Евангелие понна лулзэ ыштоз – со лулзэ утёз. ³⁶Лулызлы изъян лэсьтыса, быдэс дуннеез аслыз басьтйз ке, кыче пайдаез луоз адямины? ³⁷Лулыз понна кыче йырдон сётоз адями? ³⁸Та азэм, съолько выжы пушкысь кин Мынэсьтым яке Мынам кыльёсылэсь воздаськиз ке, Адями Пи но, Атаезлэн пиштйсь данлыкеныз святой кылчиньёсын валче лыктыкуз, со муртлэсь воздаськоз».

9-тй ЛЮКЕТ

¹Иисус соослы шуэм: «Зэм ик тйледлы верасько, татын сылйсьёс пöлысь куд-огез кулонэз тодыса уз вуэ, кужмын лыктйсь Инмар Эксэйлыкез соос адзозы».

²Куать нунал ортчем бере, Иисус Петрез, Иаковез но Иоаннэз асьсэ понназэс гинэ сьöраз басьтэм но, жужыт гурезь йылэ тубыса, соос азын воштйськем: ³дйсянэз чияса пиштйсь, лымы кадь юг-юг тöды луэм, музъем вылысь одйгезлэн но буюськисьлэн сыче тöды каремез уз луы. ⁴Соослы Илияен Моисей возматскиллям; Иисусэн вераськиллям. ⁵Соку Петр Иисуслы шуэм: «Дышетйсь! Милемлы татын улыны зеч, ойдолэ куинь тылыс пуктом: одйгзэ Тыныд, одйгзэ Моисейлы, одйгзэ Илиялы». ⁶Куалектэменыз сэрен, мар вераны тодымтэ ини. ⁷Пилем вуэм но соосты шобыртэм, пилем пушкысь куара кылйськем: «Та Мынам Яратоно Пие, кылзйське Солэсь». ⁸Соку ик котырак учкиллям но, Иисусэз сяна, нокинэ но мукетсэ адзиллямтэ.

⁹Гурезь йылысь васькыкузы, Адями Пи кулэмысь улзыса султытозь, та адземзэс одйг муртлы но Со вераны лэзьымтэ. ¹⁰Та кылэз тодазы возиллям, куспазы ог-огзылэсь юаллям: «Мар шуэм со: кулэмысь улзыны?» ¹¹Солэсь юаллям: «Кызы озы книга тодйсьёс верало нырысь ик, пе, Илия лыктыны кулэ?» ¹²Ответ сётыса, соослы Со шуэм: «Зэм, нырысь ик Илия лыктыса ваньзэ тупатыны, дасяны кулэ. Адями Пилы, кызы гожтэмын Со сярысь, трос курадзонэз, сантэманэз адзем луоз. ¹³Но тйледлы верасько: Илия лыктэм но, кызы гожтэмын со сярысь, мар каремзы потэм, озы ик кариллям».

¹⁴Дышетскисьёсыз доры лыктыса, Иисусе соос котыре люкаськем трос калыкез но соосын ченге-

шыса сылйсь книга тодйсьёсты адзем. ¹⁵Сое ад-
зыса, вань калык паймем, бызъыса мынйллям но
Соин зечбурьяськылйллям. ¹⁶Книга тодйсьёслэсь
Со юам: «Мар сярысь тй соосын ченгешиськоды?»
¹⁷Калык пушкысь одйгез шуэм: «Дышетйсь! Тон
доры мон периен кылтэм карем пиме вай вал.
¹⁸Кытысен гинэ уг куты, соку ик муз вылэ погыр-
тэ, соку ымысьтыз шуку потыны кутске, пиньёссэ
гизьыр йырье, мугорыз пуме; Тынад дышетс-
кисьёсидлэсь, ”перизэ улляса поттэ” шуыса курем
вал, но соос поттыны өз быгатэ». ¹⁹Солы ответ
сётыса, Иисус шуэм: «Эй, оскисьтэм выжы! Кема-а
улоно на тйледын? Көнря чидало на тйледыз? Ваелэ
сое Мон доры». ²⁰Со муртэз Иисус доры ваиллям.
Перияськем мурт Сое адзыса гинэ вуэм, пери соку
ик сое дыр-р! куалекъятэм; муз вылэ усьыса бек-
мылляськем, ымысьтыз шуку поттыса улэм. ²¹Ии-
сус солэн атаезлэсь юам: «Кемалась-а тазы луиз
ни?» – «Пичи дырысеныз, – шуэм соиз, – ²²пери
сое трос пол виён вылысь тыл пöлы но, вуэ но
куяз; быгатйськод ке, жаля милемыз, юртты ми-
лемлы». ²³Иисус солы шуэм: «Öжыт ке но быга-
тйськод-а оскыны? Оскись муртлы котьмар луо-
но». ²⁴Соку ик та пилэн атаез синкылиен бöрдуса
кесиськем: «Оскисько, Кузёе! Юртты, öжыт ке
мынам осконэ». ²⁵Калыклэсь люкаськемзэ адзыса,
Иисус периез алыса верам: «Эй, кылтэм, пельтэм
пери! Мон тонэ косйсько, пот со пушкысь но берен
со пушкы ноку но эн ни пыры». ²⁶Черектйськыса,
сое юн сэзъялтыса, пери со пушкысь потэм; со пи
кулэм мурт кадь ик луэм, тросэз «со кулйз ни»

шуиллям. ²⁷Нош Иисус сое китїз кутыса жутэм но, со султэм. ²⁸Иисус корка пырем бере, асьсэ понна кыльыку, дышетскисьёсыз Солэсь юаллям: «Ми малы сое улляса поттыны өм быгатэ?» ²⁹Соослы Со шуэм: «Та выжыез вöсьяськыса но визь утыса сяна, номырин но поттыны уг луы».

³⁰Отысь потыса, Галилея пыр ортчиллям. Солэн Ассэ нокинлы но тодматэмез потымтэ; ³¹малы ке шуоно, дышетскисьёсызлы Со тазы дышетыса верам: «Адями Пиез вузаса адямиос кие сётозы, виёзы, вием беразы, куинь нунал ортчыса, Со улзыса султоз». ³²Та верам кыльёсыз соос валаллямтэ, юаны ке нош – кышкаллям.

³³Капернауме вуэм. Коркан улыкузы, Иисус соослэсь юам: «Сюрес кузя куспады мар сярись вераськыса лыктїды?» ³⁴Шып улїллям, сюрес кузя лыктыкузы, «кин бадзымгес» шуыса, асьсэ куспын вераськиллям вылэм уга соос. ³⁵Пуксем но, дораз дас кык дышетскисьёссэ öттыса, соослы верам: «Кинлэн ваньмызлэсь азьпала потэмез потэ, со ваньмызлэн бераз мед кылёз, ваньмызлы ляльчи мед луоз». ³⁶Пичи муртэ кутэм но соослэн шоразы султытэм, зыгыртэм но соослы шуэм: ³⁷«Кин Мынам нимыным одїгзэ таёе нылпиез кабыл басьтїз ке, со Монэ кабыл басьтэ; нош кин ке Монэ кабыл басьтїз, со Монэ кабыл уг басьты, со Монэ Ыстїсез кабыл басьтэ».

³⁸Иоанн Солы шуэм: «Дышетїсь! Тынад нимыныд периосты уллясь адямиез ми адзїмы, нош со ми сьöры уг ветлы. Озы карыны өм ни лэзе, малы ке шуоно, ми сьöры уг ветлы». ³⁹Иисус шуэм:

«Эн алэ сое; Мынам нимыным паймымон уж лэсьтйсь муртлэн со дыре ик Монэ лек кыльёсын ултйямеz уз луы; ⁴⁰уго кин тйледлы пумит өвөл, со тй палан. ⁴¹Кин ке Мынам нимы понна тйледлы одйг сюмык ву сётйз ке, тй Христослэн муртёсыз уго, зэм ик верасько, со мурт аслэсьтыз медзэ-кузьымзэ уз ышты.

⁴²Нош кин ке одйгзэ та покчиос пöлысь, Мыным оскисез, сьöлыке пыртйз ке, со муртлы чыртыяз вуко кö ошыса зарезе куштысалзы ке, умойгес луысал. ⁴³Киыд тонэ сьöлыке пыртэ ке, ёогыса кушты сое: тыныд умойгес луоз китэк улонэ пырыны, кык киыныд ик гееннае, ноку но кысылйсьтэм тыл пöлы пыронлэсь, ⁴⁴кытын соослэн нумырзы но уг кулы, тыл но уг кысы. ⁴⁵Пыдыд тонэ сьöлыке пыртэ ке, ёогыса кушты сое: тыныд умойгес луоз пыдтэк улонэ пырыны, кык пыдыныд но гееннае, ноку но кысылйсьтэм тыл пушкы куштйськонлэсь, ⁴⁶кытын соослэн нумырзы но уг кулы, тыл но уг кысы. ⁴⁷Синмыд тонэ сьöлыке пыртэ ке, ишкалты сое: тыныд умойгес луоз пал синмын Инмар Эксэйлыке пырыны, кык синмыныд но тылын жуась гееннае куштйськонлэсь, ⁴⁸кытын соослэн нумырзы но уг кулы, тыл но уг кысы. ⁴⁹Уго котькин но тылын сылалтйськоз, котькыё курбон сылалэн сылалтйськоз. ⁵⁰Сылал – со зеч мае; нош сылаллэн кузьытэз быриз ке, майн сое тупатоды на? Пушкады сылалэз медаз быры, куспады тупаса улэлэ».

10-тй ЛЮКЕТ

¹Иисус отысь кошкем но Иордан шур съорысь Иудея музьеме вуэм. Нош ик Со доры калык люкаськем; ог дышем сяменыз соосты нош ик дышетэм. ²Со доры фарисейёс лыктйллям но, визьзэ сынаса, юаллям: «Яра-а пиосмуртлы кышноеныз люкиськыны?» ³Ответ сётыса, Со верам: «Мар лэсьтыны тйледлы Моисей косйз?» ⁴Соос шуиллям: «Моисей люкиськон сярысь гожтэт гожтыса люкиськыны лэзем». ⁵Иисус соослэн пуми-тазы шуэм: «Сюлэмды чурьт луэмен, со та курон-косонэз тйледлы гожтэм. ⁶Дунне кылдытонлэн кутсконаз ик, Инмар соосты пиосмуртэз но кышномуртэз кылдытэм. ⁷Соин ик адями аслэсьтыз атайзэ, анайзэ кельтоз но, ⁸ас кышноез борды лякиськоз, кыкназы соос одйг лулмугор луозы, соин ик соос кык өвёл, одйг лулмугор ни. ⁹Озыы бере, Инмарлэсь огазе каремзэ адями медаз ни люкы». ¹⁰Коркасен дышетскисьёсыз Солэсь нош ик со сярысь ик юаллям. ¹¹Соослы Со шуэм: «Кин, кышноеныз люкиськыса, мукет кышно вае, со солэсь азон-калгон съöлыке пыре. ¹²Кышномурт, картэзлэсь люкиськыса, мукетызлы бызе ке, со азон-калгон съöлыке пыре».

¹³Со доры нылпиосты вайылйллям, соос борды кыыныз мед йötйськоз вал шуыса; нош дышетскисьёсыз вайылйсьёсты пырыны лэзьытэк улйллям. ¹⁴Тае адзыса, Иисуслэн туж вожез потэм но соослы шуэм: «Мон доры нылпиосты лыктыны лэзе, эн люкетэ соослы, уго таёослэн Инмар Эк-

сэйлыксы вань. ¹⁵Тйледлы зэмзэ верасько: кин Инмар Эксэйлыкез пичи мурт кадь кабыл өз ке басты, солэн отчы пыремез уз луы». ¹⁶Соосты ваньзэс зыгыртэм, вылазы кизэ понэм но бакель карем.

¹⁷Сюрес вылэ потыкуз, Со доры кыче ке но мурт бызьяса лыктэм, пидес вылаз уськытйськем но Солэсь юам: «Эй, зечлыко Дышетйсь! Быронтэм улонэз бастон понна, мон мар карыны кулэ?»

¹⁸Иисус солы шуэм: «Малы тон монэ ”зечлыко” шуиськод? Одйг Инмар сяна, нокин но зечлыко өвөл. ¹⁹Тодйськод курон-косонъёсты: азон-калгон съöлыке эн пыр; эн виы; эн лушкаськы; öрекчаськыса öвöлтэмзэ эн вера; эн ултйя; атайдэ но, анайдэ но сйлы кар».

²⁰Нош со ответ сётыса шуэм: «Дышетйсь, ваньзэ ик таосты мон пинал дырысеным быдэсьяй».

²¹Иисус со шоры учкем, скулмаз кельшем, собере солы шуэм: «Одйгез тыныд уг тырмы: мын, майд вань, вуза но кураськисьёслы сётка, со понна тынад Инмын узырлыкед луоз; лыкты но, киростэ бастыса, Мон съöры мын».

²²Та кылэз кылыса, мылкыдыз лапкам; куректонэ усем, солэн уго трос узырлыкез вылэм.

²³Иисус, котырак учкыса, дышетскисьёсызлы шуэм: «Макем секыт узыр муртъёслы Инмар Эксэйлыке пырыны».

²⁴Солэсь кыльёссэ кылыса, дышетскисьёсыз куалектйллям. Соослэн пумитазы Иисус нош ик верам: «Пинальёс! Кыче секыт вань-бурлы оскиськыса улйсь муртъёслы Инмарлэн Эксэйлыказ пырыны!»

²⁵Капчигес верблюды вень пась пыр потыны, узыр муртлы Инмар Эксэйлыке пырон сярсы». ²⁶Соос нош туж-туж паймиллям

но асьсэ кустын вераськиллям: «Кинлэн меда утиськемез луоз?»²⁷ Иисус соос шоры учкем но шуэм: «Адямиослы со луонтэм, нош Инмарлы луоно; уго Инмарлэн луонтэмез номыр но өвёл». ²⁸Петр Солы вераны кутскем: «Тани ми ваньзэ кельтймы но Тон сьöры кошкымы». ²⁹Иисус ответ сётыса верам: «Зэм ик тйледлы верасько, кин Мон понна, Евангелие понна кельтйз ке корказэ, я агай-выньёссэ, я сузэр-апайёссэ, я атайзэ, я анайзэ, я кышнозэ, я нылпиоссэ, я музъемзэ, ³⁰али, таё дыре, улляньёс пöлын, огез но сю пол тросгес коркаос, агай-выньёс, сузэр-апайёс, атайёс, анайёс, нылпиос, музъем басьтытэк уз кылы, нош вуоно даурын – быронтэм улонтэк. ³¹Тросэз азьпаласьёс без кылёзы, нош берисьёс – азьпалан луозы».

³²Сюрес вылын дыръязы, Иерусалиме тубыкузы, Иисус соослэн азьпалазы мынэм, соос туж абдраса Со бöрсый мынйллям, кышкамын вылйллям. Дас кыксэс ик дораз öтем но нош ик Асэныз мар луоно сярись вераны кутскем: ³³«Тани асьмеос Иерусалиме тубиськомы, Адями Пиез архиерейёс, книга тодйсьёс кие сётозы, Сое виыны судить карозы, Сое язычникёс кие сётозы, ³⁴сантэ-малозы Сое, жугозы Сое, сялалозы Со вылэ, виёзы Сое; куиньметй нуналаз Со улзыса султоз».

³⁵Соку Иисус доры Зеведей пиос Иаковен Иоанн лыктйллям но шуиллям: «Дышетйсь! Милям потэ, Тон мед лэсьтод милемлы сое, мае ми курым». ³⁶Соослы Со шуэм: «Мар лэсьтэмме тй кулэ кариськоды?» ³⁷Соос Солы шуиллям: «Лэзь вал милемыз Тынад данлыкад, огмес бур палад пук-

сьыны, мукетмес – паллян палад». ³⁸Нош Иисус соослы шуэм: «Мар куремдэс асьтэос уд тодйське. Луоз-а тйляд Мынэсьтым юоно чашаме юэмды, пылатонэн, кудйныз Мон пылатйськисько, пылатйськемды?» ³⁹Соос ответ сётйллям: «Быгатйськом». Иисус соослы шуэм: «Мынам юоно чашаысьтым юоды, пылатонэн, кудйныз Мон пылатйськисько, пылатйськоды, ⁴⁰нош бур палам, я паллян палам пуктыны – Мынам эрике өвёл, – отчы пуксёзы соос, кинлы со дасямын». ⁴¹Тае кылыса, дасназы ик Иаковен Иоаннлы йыркуръяськыны кутскиллям. ⁴²Иисус соосты өтем но верам: «Тодйськоды ук, калыкъёслы кузё шуыса лыдзиськисьёс соосын кузёясько, кузёйыррёссы но соослы йыр луыса уло. ⁴³Нош тй куспын озьы медаз луы: тй куспын кинлэн бадзым кариськемез потэ, тйледлы со ляльчи мед луоз; ⁴⁴тй куспын кинлэн йыр луэмез потэ, со ваньмызлы ляльчи мед луоз. ⁴⁵Адями Пи но уго Аслыз служить карытыны öз лыкты, Со Ачиз служить карыны но, Аслэсьтыз лулзэ сётыса, троссэ сьöлыкёслэсь мозмытон понна лыктйз».

⁴⁶Иерихонэ лыктйллям. Дышетскисьёсыныз, трос калыкен ёош Иерихонысь потон дыръяз, сюрес дурын кураськыса пуке вылэм Тимейлэн Вартимей нимо синтэм пиез. ⁴⁷Та Иисус Назорей шуыса кылэм но кесяськыны кутскем: «Эй, Иисус, Давидлэн Пиез! Жаля монэ». ⁴⁸Тросэз сое чус кариськыны косйллям, нош со эшшо но юнгес кесяськыны кутскем: «Эй, Давидлэн Пиез! Жаля монэ». ⁴⁹Иисус дугдэм но дораз öтгыны косэм. Синтэм

муртэ өтиллям но солы шуиллям: «Эн кышка, султы, тонэ өте». ⁵⁰Вылысьтыз дйсьсэ куштэм, султэм но Иисус доры лыктэм. ⁵¹Ответ сётыса, Иисус солэсь юам: «Тыныд мар кулэ Мынэсьтым?» Синтэм мурт Солы шуэм: «Дышетйсь! Синмы мед усьтйськысал». ⁵²Иисус солы шуэм: «Мын, тонэ осконэд утиз». Со соку ик адзыны кутскем, собере со Иисус сьöры сюрес кузя кошкем.

11-тй ЛЮКЕТ

¹Иерусалиме тубыкузы, Виффагиен Вифания гуртёслы, Елеон гурезьлы матэ вуэм беразы, Иисус кыксэ дышеткисьёссэ ыстэм ²но соослы шуэм: «Мынэлэ азьпалады адзйськись гуртэ; отчы пырем берады ик, гозыям пинал ишакез шедьтоды, солэн вылаз нокин но татчыозь пуксьылымтэ на; пертче но вае татчы. ³Нош кин ке шуиз ке тйледлы: "Мар тй озьы лэсьтйськоды?" Тй шуэлэ: "Со Кузё-Инмарлы кулэ, сое татчы Со берен лэзёз"». ⁴Соос мынйллям но урамысь, капка доры думем ишакпиез шедьтйллям, пертчиллям сое. ⁵Сылйсьёс пöлысь куд-огез соослы шуиллям: «Мар тй лэсьтйськоды? Малы пертчиськоды ишакпиез?» ⁶Соос вераллям озьы, кызьы косйз Иисус; собере соос ишакпиез басьтымы лэзиллям. ⁷Ишакпиез Иисус доры ваиллям но солэн тыбыр вылаз дйськутёссэс тыриллям; Иисус со вылэ пуксем. ⁸Тросэз асьсэлэсь дйськутсэс сюрес вылэ вöлдйллям, нош мукетёсыз, писпу вайёсыз ван-

дылыса, сюрес вылэ вöлдйллям.⁹ Азытйз мынйсьёс но, сьöраз мынйсьёс но черектйськылйллям:

«Осанна!

Кузё-Инмарлэн нимыз понна Лыктйсь дано!*

¹⁰Кузё-Инмарлэн нимыз понна

Давид атаймылэн лыктйсь эксэйлыкез дано!

Осанна вылйын!»

¹¹Иисус Иерусалиме пырем но храме мынэм. Котырак ваньзэ учкем. Бер жыт вылэм ини. Дас кык дышетскисьёссэ басьтыса, Вифание кошкем.

¹²Їуказеяз, Вифаниысь потэм беразы, Иисулэн сиемез потэм. ¹³Кыдөкысен ик куарен шобыртйськем смоквапуз адзем но, марзэ ке но солэсь уг шедьты-а шуыса, Со доры мынэм. Лыктэм но, куарзэ сяна, номырзэ но шедьтымтэ, соку смоква бичан дыр вуымтэ на вылэм уга. ¹⁴Иисус солы шуэм: «Туннэ нуналысен нокин но, ноку но тынэсьтыд емыштэ медаз ни сиы». Тае дышетскисьёсыз кылйллям.

¹⁵Иерусалиме лыктйллям. Иисус храме пырем но отын вузкарыса, басьяськыса ветлйсьёсыз улляса поттаны кутскем; вошьяськыса улйсьёслэсь жöкьёссэс, дыдыкьёсын вузкарисьёслэсь зусьёссэс кымаллям; ¹⁶храм пыр нокинэ но, нокуче но тйрлык нуллыны лэзьымтэ. ¹⁷Соосыз дышетыса верам: «Гожтэмын öвöл-а – ”Мынам коркае вань калыкьёс понна вöсяськон корка шуыса нимаськоз”? Нош тй сое лушкаськисьёслы люкаськон

* 11:9 Пс. 117:26.

интылы пөрмытйды». ¹⁸Тае книга тодйсьёс но архиерейёс кылйллям, кызыы ке но Сое виыны муг утчаллям. Солэсь кышкаса уйллям, уго аджо вылэм, кызыы калык Солэсь дышетонзэ паймыса кылзйське. ¹⁹Бер жыт Со город сьёры потэм.

²⁰Їукна, вöзтйз ортчыкузы, аджиллям: смоквапу выжыозяз куасьмемын. ²¹Петрлэн тодаз лыктэм но шуэм: «Дышетйсь! Учкы ай, смоквапу, кудзэ Тон каргад, куасьмем». ²²Иисус соослы шуэм: ²³«Инмарлы осконэн улэ. Зэмзэ ик тйледлы верасько: кин, сюлмыныз шекланытэк, оскыса та гурезьлы, ”вырзы интыысьтыд но зарезе уськытйськы”, шуиз ке, солэн верам кылызъя луоз, мар гинэ уз вера – ваньмыз быдэсмоз. ²⁴Соин ик тйледлы шуисько: вöсяськыса мар гинэ уд куре, басьто шуыса оскелэ, – ваньмыз тйледлы луоз. ²⁵Вöсяськыса сылыкуды, Инмысь Атайды сьöлыкамдэс мед куштоз вал шуиськоды ке, нырысь ик асьтэос куштэлэ, – вожпотон муртты вань ке. ²⁶Öд ке куштэ, Инмысь Атайды но тйлесытыд сьöлыкамдэс уз кушты».

²⁷Нош ик Иерусалиме лыктйллям. Храм пушкытй ветлыкуз, Со доры архиерейёс, книга тодйсьёс, тöроос лыктйллям ²⁸но Солы шуиллям: «Кинлэн косэменыз Тон тае лэсьтйськод? Тае лэсьтыны кин Тыныд эрик сётйз?» ²⁹Соослэн пумитазы Иисус шуэм: «Мон но тйледлы одйг юан сёто, вералэ Мыным, соку Мон но тйледлы верало, кинлэн косэменыз та ужез Мон лэсьтйсько. ³⁰Иоаннлэн пылатонэз Инмысен вал-а, адымиос бордысен-а? Вералэ Мыным». ³¹Соку соос куспазы

вераськиллям: «Инмысен» ке шуимы, Со шуоз: «Малы нош тй Сола о́д оске?»³² «Адямиос бордысь» ке шуоно – калыклэсь кышкаллям, малы ке шуоно, ваньмыз малпало вылэм Иоанн зэмзэ но пророк вал шуыса.³³ Иисуслы ответ сётыса шуиллям: «Ум тодйське». Соку Иисус соослы шуэм: «Мон но уг вера тйледлы, кинлэн косэменыз тае лэсьтйсько».

12-тй ЛЮКЕТ

¹Иисус соослы мадёнъёсын вераны кутскем: «Одйг адями виноград бакча мерттэм но кенерен котыртэм, вина виятон гу гудэм, каланча пуктэм но, тае виноград будэтйсьёс кие кельтыса, ачиз кошкем.² Дыр вуэм но, виноград будэтйсьёс доры виноградлэсь емышсэ мед ваёз шуыса ляльчизэ ыстэм.³ Нош соос сое кутйллям но жугиллям, номыр но сётытэк келяллям.⁴ Нош ик соос доры мукетсэ ляльчизэ ыстэм. Таизлэсь йырзэ изэн пась кариллям но сантэмаса келяллям.⁵ Собере мукетсэ ляльчизэ ыстэм: тазэ вииллям; трос мукетъёссэ я жугыса лэзиллям, я виылйллям.⁶ Пумаз ини, ыстэм аслэсьтыз одйг гинэ яратоно пизэ но шуэм: ”Пиелэсь возьдаськозы”.⁷ Нош виноград будэтйсьёс ог-огзылы шуиллям: ”Талы атай юртъер кылёно; ойдолэ мыноме но виёме сое, солы суроно ваньбур асьмелы луоз”.⁸ Кутыса сое вииллям но виноград бакча сьёры куштйллям.⁹ Мар кароз на виноград бакчалэн кузёез? Лыктоз, виноград

будэтйсьёсты виылоз, нош виноград бакчазэ мукетъёслы сётоз. ¹⁰Гожтэмысь лыдземды өвёл шат таёе веранэз:

”Корка пуктйсьёслэн кулэтэм карыса куштэм иззы

корка сэреглэн пыдэсаз инъет йыр луыса пуксем;

¹¹Та – Кузё-Инмарлэсь, паймымон син азьмылы”?»*
 * 12:10-11 Пс. 117:22-23.

¹²Сое кутыны туртто вылэм, но калыклэсь кыш-каллям; уго валатскиллям, соос сярысь та мадён верамын шуыса; Собере Сое кельтыса, Со дорысь кошкиллям.

¹³Кыл пыр янгыш карыса кутон вылысь, Со доры куд-ог фарисейёсты но Иродлэсь адямиоссэ ыстйллям. ¹⁴Соос лыктйллям но Солы шуиллям: «Дышетйсь! Ми тодйськомы, Тон шонер лэсьтйсь шуыса, кинлы но солы гинэ кельшыны турттыса уд улйськы. Нокыёе но ымныр шоры уд учкиськы, но зэм, Инмарлэн сюресэзлы дышетйськод. Яра-а кесарьлы выт тырыны, уг яра-а? Оло тыроно милемлы, оло өвёл?» ¹⁵Нош Со, кескич сямзэс тодыса, соослы шуэм: «Малы тй Мынэсьтым визьме сынаськоды? Вае Мыным динарий, Мон сое учко». ¹⁶Соос ваиллям. Соку соослы шуэм: «Кинлэн татын тусбуез, ки нюртэмез возьматэмын?» Соос шуиллям: «Кесарьлэн». ¹⁷Соослы ответ сётыса, Иисус шуэм: «Кесарьлэсьсэ кесарьлы сётэлэ, Инмарлэсьсэ – Инмарлы». Паймыса кылзйллям Сое.

* 12:10-11 Пс. 117:22-23.

¹⁸Собере Со доры «улзыса султон өвөл» шуыса дышетйсь саддукейёс лыктйллям но Солэсь юаллям: ¹⁹«Дышетйсь! Моисей милемлы гожтэм: ”Кинлэн ке агаез кулыса кышнозэ нылпитэк кельтйз ке, солэн выныз солэсь кузпалзэ аслыз кышно мед кароз но кидысэныз агаезлэсь выжызэ мед утёз”. ²⁰Сизьым вынъёс вылэм: нырысетйез кышнояськем но нылпи кельтытэк кулэм. ²¹Кыкетйез сое кышнолы ваем, но кулэм, со но нылпи кельтымтэ; озьы ик куинетйез но. ²²Сизьымназы ик сое кышно кариллям, нош нылпи кельтйллямтэ. Ваньзы бере та кышномурт но кулэм. ²³Улзыса султон нуналэ, кулэмъёс улзыса султйзы ке, кудзылы со кышно луоз? Сизьымназы но сое кышно каризы вал уга». ²⁴Иисус соослы ответ сётыса шуэм: «Тазы-а тй, Гожтэмез, Инмар кужымез тодымтэеныды янгыше пыриськоды? ²⁵Уго кулэмьсь улзыса султон бере уз но кышнояське, уз но бызе, Инмысь кылчинъёс кадь улозы. ²⁶Кулэмъёслэн улзыса султонзы сярысь Инмарлэсь куак дорысен Моисейлы ”Мон Авраамлэн Инмарез, Исааклэн Инмарез, Иаковлэн Инмарез” шуэмзэ Моисейлэн книгаысьтыз өд лыдзэ шат? ²⁷Инмар – кулэмъёслэн Инмарзы өвөл, Со улэпъёслэн Инмарзы. Озьыен, тй туж зол янгышаськоды».

²⁸Книга тодйсьёс пöлысь одйгез та ченгешонэз кылэм но, Иисуслэсь зеч ответ сётылэмзэ адзыса, Со доры лыктыса юам: «Вань курон-косонъёс пöлысь кудйз самой бадзымез?» ²⁹Иисус солы ответ сётэм: «Вань курон-косонъёс пöлысь самой бадзымез таچه: ”Кылзйськы, Израиль! Кузё-Инмар, ась-

мелэн Инмармы, Кузё-Инмар одйг; ³⁰Кузё-Инмарез аслэсьтыд Инмардэ вань сюлмыныд, вань лулыныд, вань визьмыныд, вань кужмыныд яраты”. Та самой бадзымез курон-косон! ³¹Кыкетйез но таиз быдза ик: ”Матысьтэ астэ ачид кадь ик яраты”. Таослэсь бадзымез курон-косон өвөл». ³²Книга тодйсь Солы шуэм: «Умой, Дышетйсь! Зэмез верад Тон: Инмар одйг гинэ, Со сяна, мукетыз өвөл; ³³Сое вань сюлмын, вань визьмын, вань лулын, вань кужымен, матысьтэ но астэ ачид кадь ик яратон – котькыче вирос сётоньёслэсь, курбоньёслэсь бадзымгес». ³⁴Иисус, талэсь визьмо ответ сётыны быгатэмзэ кылыса, солы шуэм: «Инмар Эксэйлыклясь кыдёкын өвөл ни тон». Та бере Солэсь нокин но юаны дйсьтымтэ ини.

³⁵Храмын дышетыса улыкуз, Иисус шуэм: «Малы книга тодйсьёс, Христос Давидлэн пиез шуыса, верало? ³⁶Давид ачиз Святой Духен верам:

”Кузё-Инмар верам мынам Кузё-Инмарелы:

Тынэсьтыд тушмоньёстэ Тынад пыд улад

понытозам,

пуксы Мынам бур палам”.*

³⁷Озыен, Ачиз Давид Сое Кузё-Инмар шуэ: кызы Со солэн пиез луоз?» Трос муртъёс Сое шумпотыса кылзйськиллям.

³⁸Аслаз дышетоназ Со верам: «Чаклаське книга тодйсьёслэсь, кудьёсыз ярато кузь дйськутэн ветлыны, калык кенешон интыосын асьсэды зечкыламе, ³⁹синагогаосын калыклэн азьпалаз пукыны,

* 12:36 Пс. 109:1.

сиён-юонъёс дыръя нырысетй радъёсын кыллыны. ⁴⁰Соос, палкышноослэсь юртъерзэс сиисъёс, калык адзиськон азын кема вöсяськисъёс, – чидантэм секытлы судить каремын луозы».

⁴¹Иисус ваньбур тырон шыкыс шоры пуксем но учкыса улэм, кызы отчы калык коньдон тыре. Тросэз узыр муртъёс тросэн тыриллям. ⁴²Куанер улйсь палкышно лыктыса, кык лепта понэм. Кык лепта одйг кодрант луэ. ⁴³Дышетскисъёссэ Иисус матаз öтем но шуэм: «Зэм ик тйледлы верасько, та куанер палкышно ваньбур тырон шыкысэ тырисъёс пöлысь ваньмызлэсь уно понйз; ⁴⁴уго ваньмыз мултэсэз ваньысь тыризы, нош со куанер улыса но, көтсэ тырон понна маиз вань – ваньзэ понйз».

13-тй ЛЮКЕТ

¹Храмысь потыкузы, дышетскисъёсыз пöлысь одйгез Сола шуэм: «Дышетйсь! Учкы, кычөөсь изъёс но кычөөсь юртъёс!» ²Иисус солэн пумитаз шуэм: «Адзиськод-а та бадзымесь юртъёсты? Ваньмыз соос куашкатэмын луозы, из вылэ из но уз кылы».

³Иисус Елеон гурезын, храм вадьсын пукыкуз, Петр, Иаков, Иоанн но Андрей ас понназы кылён дыръя, Солэсь юаллям: ⁴«Вера милемлы, ку та луоз, ваньмыз таос луон азын кычө тодмет луоз?» ⁵Ответ сётыса, Иисус тазы вераны кутскем: «Чакласькелэ, нокин но визьдэс медаз туга; ⁶малы ке

дырысен, кудзэ кылдытйз Инмар, ой на вал, уз но луы. ²⁰Кузё-Инмар со нунальёсыз ой ке вакчиятысал, нокудйз но улэп мурт ой утиськысал; но Аслэсьтыз быръем адямиоссэ утён понна, Кузё-Инмар вакчиятэм со нунальёсыз. ²¹Соку тйледлы кин ке но, "тани татын Христос" яке "тйни отын", шуиз ке, эн оскелэ. ²²Соку султозы пöяськись христосьёс, öрөкчи пророксьёс, синпöртмансьёс но паймымон ужсьёс лэсьтыса тыршозы соос, луиз ке, быръем муртсьёслэсь но визьзэс туганы. ²³Нош тй утиськелэ; тани Мон тйледлы ваньзэ тае азьвыл ик верай. ²⁴Со нунальёсы, со куректон бере, шунды пеймытомоз, толэзь но аслэсьтыз югытсэ уз сёты, ²⁵инмысь кизилиос усёзы, ин кужымсьёс вырзозы. ²⁶Соку пилемсьёс вылын быдзым кужымен но данлыкэн лыктйсь Адями Пиез адзозы. ²⁷Соку Со Аслэсьтыз кылчинсьёссэ лэзёз но дуннелэн ньыль паласьтыз, музьем пумысь но, ин пумысь но, Аслэсьтыз быръем адямиоссэ люкалоз.

²⁸Смоквапулэсь адзем каре: улвайёсыз небзыса, куар поттыны кутско ке, гужем матын ни шуыса тодйськоды. ²⁹Озы ик тй но, талэсь быдэсмензэ адзиды ке, тодэлэ, матэ, öс выжые, вуиз ини шуыса. ³⁰Зэм ик тйледлы верасько: та выжы бырытозь, ваньмыз но та луоз. ³¹Ин но музьем бырозы, нош Мынам кыльёсы уз быре.

³²Нош со нуналэз, со часэз, Атай сяна, инмысь кылчинсьёс но, Пи но, нокин но уг тоды. ³³Эскериське, сак улэ, вöсяськелэ, уго уд тодйське, ку со дыр вуоз. ³⁴Юртсэ ляльчиосызлы утыны кельтыса, котькудзылы уж сётыса, капка возьмасьлы

сак луыны косыса, сюрес вылэ потйсь муртлы со укша. ³⁵Озыен, сак улэлэ, уд тодйське уго, ку бертоз коркалэн кузеез – жыт-а яке уйшор уе-а, атасьёс чорьяны кутскыку-а яке чукна-а; ³⁶шөдтэк шорысь бертыса, изён дыръяды со тйледыз медаз пумита. ³⁷Нош мае верасько тйледлы, верасько ваньмызлы: сак улэлэ».

14-тй ЛЮКЕТ

¹Кык нунал ортчыса, Быдзымнунал но юмал нянь сиён праздник вуэ вылэм. Архиерейёс но книга тодйсьёс, Иисусэз кутыса виён вылысь, кескич амал утчаса ветлйллям. ²Калык пушкын бугырьяськон медаз жутйськы, та уез праздник нуналэ ум лэсьтэ шуиллям.

³Вифаниын, гижло черен висись Симонлэн корказ сиськыса кыллён дыръя, Со доры кышномурт алавастр посуде нардлэсь лэсьтэм чылкыт дуно миро поныса ваем, посудазэ пильыса, мирозэ Солэн йыр вылаз кисьтэм. ⁴«Малы юнме арам каронэз?» шуыса, куд-огез, вожзэс поттыса, куспазы вераськиллям. ⁵«Сое куинь сю динарийлэсь но дуноенгес вузаса коньдонзэ кураськисьёслы сётканы луысал ук». Озы сое пыкылйллям. ⁶Нош Иисус шуэм: «Кельтэ сое огназэ, малы сое кепыр вайытйськоды? Со Мон понна зеч уж лэсьтйз. ⁷Уго кураськисьёс ялан тй котырын, куке мылды потйз, соку ик соослы тйляд зеч каремды луоз, нош Мон ялан тйледын өвёл. ⁸Со лэсьтйз, мар быгатйз:

Мынэсьтым мугорме вöйын зыраса ватыны дасяз.
⁹Зэм ик тйледлы верасько: быдэс дунне вылын,
 кытын гинэ та Евангелие тодытэмын луиз, сое
 буре вайыса, солэн мар каремез сярысь котькытын
 но верамын луоз».

¹⁰Искариот Иуда, дас кык дышетскисьёсыз пö-
 лысь одйгез, Сое вузаса сётон вылысь, архиерейёс
 доры мынэм. ¹¹Тае кылыса, соосыз шумпотйллям;
 солы азвесь коньдон сётом шуиллям. Со утчась-
 кыса улэм, кызы ке но кельшись дыре Сое кутыса
 сётыны.

¹²Юмал нянь сиёнлэн нырысетй нуналаз, Быд-
 зымнунал ыжпи вандыку, дышетскисьёсыз Солэсь
 юаллям: «Кытын Быдзымнунал сиёнэз сиemed
 потэ? Ми мыныса дасясалмы». ¹³Дышетскисьёсыз
 пöлысь кыксэ ыстэм но соослы верам: «Мынэлэ
 городэ, пумитады кувшинэн ву нуись мурт шедёз,
 со съöры мынэлэ. ¹⁴Кытчы со пыроз, коркалэн
 кузёезлы шуэ: ”Дышетйсь юаз: кытын комната,
 кудаз Мон дышетскисьёсыным валче Быдзым-
 нунал сиёнэз сиё?” ¹⁵Со тйледлы коркалэсь вöл-
 дыса дасям бадзым палзэ возъматоз; отчы ми-
 лемлы дасялэ». ¹⁶Солэн дышетскисьёсыз мынйл-
 лям; городэ вуиллям но пöрмем озы, кызы Со
 верам; Быдзымнунал сиён дасяллям. ¹⁷Жыт вуэм
 но, дас кык дышетскисьёсыныз ёош Со лыктэм.
¹⁸Сиськыса улон дыръязы, Иисус шуэм: «Зэм ик
 верасько, тй пöлысь, Монэн огазын сиськисьёс
 пöлысь одйгез, Монэ вузаса сётоз». ¹⁹Соос ку-
 ректонэ усиллям но огзы бöрсый огзы Солы вера-
 ны кутскиллям: «Мон öвöл-а?», мукетыз но: «Мон

өвөл-а?»²⁰ Ответ сётыса, Со тазы верам: «Дас кык пöлысь одйгез, Монэн ёош тусьтые вет-тылйсез.²¹ Адями Пи гожтйськемъя мынэ ке но, Сое вузаса сётйсьлы, кудйз пыр Адями Пи вузаське, куректон луоз; со мурт öй ке вордйськысал, солы умойгес луысал».

²²Сиськон дыръязы, Иисус нянь басьтэм, бакель карем, тйялтыса соослы сётэм но шуэм: «Басьтэлэ, сиелэ, та Мынам Мугоры». ²³Чаша кутыса, тау карыса, соослы сётэм; ваньзы ик отысь юиллям. ²⁴Соослы шуэм: «Та Мынам трос адямиос понна кисьтйськем Выхь Сйзён Виры. ²⁵Зэм ик тйледлы верасько: Инмар Эксэйлыкын выль вина юон нуналозям, Мон уг ни юы виноград емышлэсьсэ». ²⁶Вось гурьёс чирдыса, Елеон гурезе кошкылям.

²⁷Иисус соослы верам: «Та уе ваньды тй Мон бордысь куштйськоды, гожтэмын уга: ”Ыж возь-масьсэ погырто но, ыжъёсыз пазьгиськозы”. ²⁸Улзъыса султэм берам, Мон тйледыз Галилеяысен азыпалто». ²⁹Петр Солы шуэм: «Ваньзы ке но куштйськызы, мон уг куштйськы». ³⁰Иисус солы шуэм: «Зэм ик тыныд верасько, та уе, атас кык пол чортытозь, куинь пол тон Мон бордысь куштйськод». ³¹Нош со эшшо но золгес верам: «Тонэн ёош мыным кулоно ке но луиз, Тон бордысь уг куштйськы». Мукетьёсыз но тазы ик вераллям.

³²Гефсимания шуон интые вуиллям; дышеткисьёсызлы шуэм: «Мон вöсьяськытозь, тй татын пукелэ». ³³Сьöраз Петрез, Иаковез но Иоаннэз басьтэм; курадзъыны, куректыны кутскем. ³⁴Соос-

лы шуэм: «Мынам лулы кулоно кадь ик куректэ; татын улэ, сак улэ». ³⁵Öжытак палэнэ кошкыса, музъем вылэ уськытйськем но, луысал ке, мед ортчысал Солэн та часэз шуыса, Со вöсяськем; ³⁶шуэм: «Авва Атае! Тынад ваньзэ лэсьтэмед луэ. Мынам палэнтйм ортчытыты вал та чашаез; но Мыным кызы кулэ озьы эн кар, кар озьы, кызы Тыныд кулэ». ³⁷Берен вуыкуз адзем: ваньмыз умме усемын. Со Петрлы шуэм: «Симон! Изиськод-а тон? Одыг час но сак улэмед öз лу-а? ³⁸Визь сынаськонэ медад сюре шуыса, сак улэ, вöсяське: дух сэзь, нош лулмугор кужымтэм». ³⁹Со кылэз ик вераса, палэнэ кариськыса, нош ик вöсяськем. ⁴⁰Берен вуыкуз адзем, нош ик ваньмыз умме усемын: синьёссэс ум нюртэм. Мар вераны но Со лы соос тодйллямтэ ни. ⁴¹Куинетй полаз лыктэм но соослы шуэм: «Тй ялан изиськоды, кыллиськоды на? Тырмиз, час вуиз; тани Адями Пи сьöлыкоос кие сөтйське. ⁴²Султэлэ, мыноме: тани Монэ вузась мурт матам лыктйз ини».

⁴³Соку ик, Со вераськон куспын, Иуда вуэм, – дас кык дышетскисьёсыз пöлысь одйгез. Соин ёош, мечёс, зырьёс кутыса, архиерейёслэн, книга тодйсьёслэн, төроослэн лэзем трос адямиоссы лыктйллям. ⁴⁴Иисусэз вузась мурт соослы тодмет сөтыса шуэм: «Кинэ мон чупало, со луоз Ачиз. Кутэ Сое, нуыкуды сак кариське». ⁴⁵Со куспын ик, Иисус доры лыктыса шуэм: «Равви! Равви!» но чупам Сое. ⁴⁶Соку ик Сое кырмиллям но ки улазы басьтйллям. ⁴⁷Сылйсьёс пöлысь одйгез мечсэ поттэм но архиерейлэн ляльчиезлэсь пельзэ

җогыса уськытэм. ⁴⁸Соку Иисус соослы шуэм: «Лушкаськись доры сямен мечъёсын, зыръёсын Монэ кутыны потыллям. ⁴⁹Вань нунальёсы Мон тйледын огазын храмын вал, дышетыса улй, нош тй Монэ өд кутэ. Озыен, Гожтэмъёсысь верамъёс мед быдэсмозы». ⁵⁰Соку Сое кельтыса, ваньзы бызьыса кошкиллям.

⁵¹Одйг пинал пи, гольык мугорзэ шобретэн би-нялтыса, Со съёрын ветлэм; солдатъёс сое кутыллям. ⁵²Нош со шобретсэ киязы кельтыса, гольык соослэсь пегзем.

⁵³Иисусэз архиерей доры ваиллям; со доры вань архиерейёс, төроос, книга тодйсьёс люкаськиллям. ⁵⁴Петр кыдёкетй Со бёрсы мынэм, архиерейлэн гидкуазяз но пырем; медоосын огазын тылскем дурын шунтйськыса пукем. ⁵⁵Архиерейёсын валче быдэс синедрион, Иисусэз виён понна, Солэсь шекъёссэ утчаллям, но шедьтиллямтэ. ⁵⁶Тросэз Со вылэ өрекчаськыса өвөлтэмзэ вераллям, но соослэн со верамъёссы тырмыт луымтэ. ⁵⁷Кудогез султыса, Со вылэ өрекчаськыса өвөлтэмзэ вераллям, соос шуиллям: ⁵⁸«Ми кылймы Солэсь тазэ кийн лэсьтэм храмез куашкато но куинь нунал куспын мукетсэ, кийн лэсьтымтэзэ храмез пукто шуэмзэ». ⁵⁹Таиз но верамзы тырмыт луымтэ. ⁶⁰Соку архиерей шоразы султэм но Иисуслэсь юам: «Тон номыр но уд вераськы? Тыныд пумит ма соос верало?» ⁶¹Нош Со шып улэм, нокыче но ответ сётымтэ. Архиерей нош ик Солэсь юаса шуэм: «Тон-а со Христос, Данъянолэн Пиез?» ⁶²Иисус шуэм: «Мон; тй адзоды Кужымлэн бур

палаз пуксьыса ин пилемъёс вылын лыктйсь Адями Пиез». ⁶³Соку архиерей дйськутсэ шорияк кесем но шуэм: «Малы кулэ на асьмелы адзисъёс?» ⁶⁴Тй кылды Инмарез сантэмаме; мар тй шуоды?» Ваньзы соос, янгыше уськытыса, «виыны кулэ Сое» шуиллям. ⁶⁵Куд-огъёсыз Со вылэ сяланы кутскиллям, ымнырзэ шобыртыса тышкаллям но Сола шуиллям: «Годма». Ляльчиос-медоос Солэн бамаз мыжгаллям.

⁶⁶Петр улйын, гидкуазьын улыку, архиерей дорын медоын улйсь кышномурт отчы лыктэм. ⁶⁷Шунтйськыса сылйсь Петрез адзем но со шоры учкыса шуэм: «Тон но Назаретысь Иисусэн огазын вал». ⁶⁸Нош со танйськыса шуэм: «Уг тодйськы, уг валаськы мар тон вераськод». Азпал гидкуазе потэм; соку атас чортэм. ⁶⁹Медо кышно сое нош ик адзем но татын сылйсь муртгъёслы вераны кутскем: «Таиз соос пöлысь». ⁷⁰Петр нош ик танйськем. Öжытак улыса, татын сылйсьёс Петрлы нош ик вераны кутскиллям: «Зэм ик, тон соос пöлысь; тон Галилеяын вордйськем мурт ук, вераськемед тынад соосын одйг кадь». ⁷¹Нош со кыл сётыса, танйськыса шуэм: «Со Адямиез, кудйз сярысь тй вераськоды, уг тодйськы». ⁷²Соку ик атас кыкетйзэ чортэм. Соку Петр тодаз ваем Иисуслэсь «атас кык пол чортытозь, тон Мынэсьтым куинь пол куштйськод» шуэм кылзэ. Соку со бöрдыны кутскем.

15-тй ЛЮКЕТ

¹Їукна вазь ик архиерейёс төроосын, книга то-
дйсьёсын, быдэс синедрионэн огазын кенеш
ортчытйллям. Иисусэз думылйллям но Пилат кие
нуыса сётйллям. ²Пилат Солэсь юам: «Тон Иудей
Эксэй-а?» Иисус ответ сётыса шуэм: «Тон верась-
код». ³Архиерейёс Сое оломаин но янгыше усь-
кытыны выриллям. ⁴Пилат нош ик Солэсь юам:
«Тон ноқыче ответ уд сётйськы? Адзиськод, Тыныд
пумит көня янгыше уськытонъёс верало». ⁵Нош
Иисус талы но ответ сётымтэ, та Пилатэз пай-
мытэм.

⁶Праздниклы быдэ Пилат, калык куремъя, пыт-
сэтэ сюрем муртъёс пöлысь одйгзэ мозмытэ вы-
лэм. ⁷Со дыре жильыетын пукем Варавва нимо
мурт. Аслаз эшьёсыныз, калык бугыръяськон
дыръя, соос адямиез вииллям вылэм. ⁸Калык ке-
сяськыса соос понна котьку но лэсьтйськись ужзэ
мед быдэстоз вал шуыса Пилатлэсь курыны кутс-
кем. ⁹Ответ сётыса, соослы со шуэм: «Яралоз-а
тйледлы Иудей Эксэез лэзи ке?» ¹⁰Со тодэ вылэм
уго, архиерейёс Сое вожъяськеменызы кутыса сё-
тйзы шуыса. ¹¹Нош архиерейёс калыкез жуткал-
лям, соослы Варавваез мед лэзёз шуыса. ¹²Ответ
сётыса, Пилат нош ик соослы шуэм: «Иудей Эк-
сэй шуон муртэныды монэ мар карыны косйсько-
ды?» ¹³Соос нош ик кесяськыны кутскиллям:
«Кортчога Сое!» ¹⁴Пилат соослы шуэм: «Кыче
урод уж Со лэсьтйз?» Нош соос уката но золгес
кесяськыны кутскиллям: «Кортчога Сое!» ¹⁵Соку

Пилат, калыклы яран вылысь, Варавваез мозмытэм, нош Иисусэз жугытыса кортчооганы сётэм.

¹⁶Солдатъёс Сое пыдлось азбаре, претория шуон интые нуиллям. Отчы быдэс полкез люкаллям.

¹⁷Вылаз нап горд басмалэсь шобыр дйсяллям, тёрнпулэсь йыркерттэт пуныса Солы изыяллям.

¹⁸Зечкыланы кутскиллям: «Шумпот, Иудейёслэн Эксэйзы».

¹⁹Бодыен йыраз тышкаллям, Со вылэ сялаллям, пыдесьяськыса Солы йыбыртъяллям.

²⁰Ултйямзы бере, эксэй шобырзэ вылысьтыз кылиллям, аслэсьтыззэ ик дйськутсэ дйсяллям но Сое кортчооганы нуиллям.

²¹Бусыысь бертйсь Кириней пи Симонэз, Александрлэсь но Руфлэсь атайзэс, татй ортчись муртэ, Солэсь кироссэ нуытйлллям.

²²Сое Голгофа шуон интые ваиллям, кудйз «Кымес инты» шуэм луэ.

²³Солы смирнаен сурам вина юыны сётйлллям, нош Со басьтымтэ.

²⁴Сое корчоогасьёс, пус чолтыса, Солэсь дйськутсэ люкылйлллям, кинлы мар басьтоно.

²⁵Куинетй час вылэм, Сое кортчоогаллям.

²⁶Сое янгыш каронзы тазы гожтйськем: «Иудейёслэн Эксэйзы».

²⁷Соин чош кык йырвандйсьёсты кортчоогаллям, одйгзэ бур палаз, мукетсэ – паллян палаз.

²⁸Гожтэмысь «законтэк улйсьёсын оградэ пыртэмын луоз» шуэм кыл зэм луиз.

²⁹Вөзтйз ортчисьёс, йырёсынызы сэзъяса, лек кылёс вераса шуиллям: «Эй! Храмез сэрттыса куиньмойскын пуктйсь!»

³⁰Уть Астэ Ачид но васькы киросысь».

³¹Таос кадь ик мыскылляськыса, ог-огзылы вераллям архиерейёс но книга тодйсьёс: «Мукетъёссэ мозмытъяз, нош Ассэ мозмытэмез».

уг луы! ³²Израильлэн Эксэез Христос, киросысь-тыз табере мед васькоз, адзимы ке, ми но оскомы». Соин чӧш кортчогаськем муртъёс но Сое урод кыльёсын тышкаськиллям.

³³Куатетй часын, быдэс дунне вылын пеймыт луэм. Озыы укмыс час котырозь улэм. ³⁴Укмысэтй часын Иисус бадзым куараен кесиськыса верам: «Элои, Элои! лама савахфани?» «Инмаре, Инмаре! Малы Монэ кельтйд?» шуэм кыл луэ со. ³⁵Татын сылйсьёс пӧлысь куд-огез тае кылыса шуиллям: «Тани, Илияез ӧте». ³⁶Одйгез бызъыса мынэм, губкаез уксусэн тырмытэм, боды йылэ шедьытыса, Солы юыны сётэм но шуэм: «Дугдэ ай, учком, лыктоз-а Илия Сое киросысь басьтыны». ³⁷Иисус кужмо куараен вазиськем но, лулыз потэм. ³⁸Храм пушкысь катанчи йылысеныз ульйозяз шорияк кесиськем. ³⁹Солэн ваче пумитаз сылйсь сю солдатэн кивалтйсь Солэсь куара сётыса лул потэмзэ адзем бераз, «зэм ик та адями Инмар Пи вал» шуэм. ⁴⁰Татын кышномуртъёс но вылэм, соос палэнысен учкыса сылйллям; соос пӧлын вылэм Магдалина Мария, покчи Иаковлэн но Иосиялэн анайзы Мария, но Саломия. ⁴¹Соос Иисус сьӧрын Галилея музеймын но служить карыса ветлйллям. Соин чӧш трос мукетъёс но Иерусалиме лыктэмын вылэм.

⁴²Жыт вуэм. Соку пятница, субботалэн азьвыл нуналэз вылэм. ⁴³Армафеяысь кенешлэн нимодано муртэз Иосиф лыктэм. Со ачиз но Инмар Эксэйлыклясь лыктэмзэ витьыса улэ вылэм. Кышканзэ куштыса, Пилат доры пырем но Иисуслэсь

Мугорзэ курем. ⁴⁴Солэсь кулэмзэ тодыса, Пилат паймем. Дораз сотникез öтьыса, солэсь юам: «Кемалась-а кулйз?» ⁴⁵Сотниклэсь тодэм бераз, Мугорзэ Иосифлы сётэм. ⁴⁶Иосиф, дун тырыса, төдды дэра басьтэм, кирос бордысь Сое басьтэм, дэраен шобыртэм но шайгуэ понэм. Шайгуэз гурезысь из пушкы гудзыса лэсьтэмын вылэм; шайгулэсь өссэ изэн пыкъям. ⁴⁷Магдалина Мария но Иосий Мария учкыса улйллям, кытчы Иисусэз ватйзы.

16-тй ЛЮКЕТ

¹Суббота ортчем бере, Магдалина Мария, Иаков Мария но Саломия Мугорзэ зыран понна ческыт зыно вöй басьтйллям. ²Арнялэн нырысетй нуналаз, вазь ёкна ик – шунды жужаку, шайгу доры лыктйллям. ³Соос куспазы вераськиллям: «Кин асьмелы шайгу өс азысь изээ палэнтоз?» ⁴Учкиллям вылйе но адзйллям: из палэнтэмын, нош со из туж бадзым вылэм. ⁵Шайгуэ пыриллям но бур палась төдды дйсен дйсяськыса пукись пинал пиез адзйллям; туж куалектйллям. ⁶Нош со соослы шуэм: «Эн куалектэ, тй Назаретысь корёогаськем Иисусэз утчаськоды; Со улзыса султйз, Со татын öвöл. Тани интыез, кытчы Со понэмын вал. ⁷Мынэлэ, вералэ Солэн дышетскисьёсызлы но Петрлы. Со тйляд азяды Галилеяе вуоз. Кыззы Со тйледлы вераз вал, Сое тй отысен адзоды». ⁸Шайгуысь по-

тыса, бызбыса кошкыллям. Соос туж кышкатыкыллям, туж куалектйлллям, нокинлы но, номыр но вераллянтэ. Кышкаллям уго.

⁹Арнялэн нырысетй нуналаз, улзыса султэм безраз, Иисус нырысь ик Магдалина Мариялы возматскем. Мария пушкысь Со сизыым периосты уल्याса поттэм вылэм. ¹⁰Мария мынэм но Соин чош ветлйсьёслы, бёрдйсьёслы, виышьясьёслы ивор сётэм; ¹¹нош соос, «Иисус улэп, мон Сое ачим аджи» шуэмезлы, оскиллянтэзы.

¹²Та бере Иисус кыкезлы дышетскисьёсызлы, сюрес вылтй гуртэ мыныкузы, мукет тусын возматскем. ¹³Берен вуэм безразы, таос мукетъёсызлы ивортйлллям, нош таослэн верамзылы соос оскиллянтэ.

¹⁴Собере, сиськыса кыллэн дырязы, дас одйназылы ик Иисус возматскем но соосты оскымтэзы, чурыт сюлэмо луэмзы понна, Сое улэмен адзем муртъёслы оскымтэзы понна пыкылэм. ¹⁵Соослы шуэм: «Мынэлэ быдэс дунне вылэ но вань адымиослы тодытэ Евангелиез. ¹⁶Оскись мурт, пылатэм мурт утемын луоз, нош кин өз оскы, судэ сюремын луоз. ¹⁷Оскисьёс сьöрын таё тодметъёс ветлозы: Мынам нимыным периосты уल्याса поттылозы, выль кыльёсын вераськозы, ¹⁸кыйёсыз кынызы кутозы, виись макеез юизы ке но, соослы изьян уз луы; висисьёс вылэ кизэс понозы но, соос бурмозы».

¹⁹Дышетскисьёсыныз вераськем безраз, Кузё-Инмармы Иисус Инме жутскем но Инмарлэн бур

палаз пуксем. ²⁰Нош дышетскисъёсыз потйллям
но пöртэм интыостй Зеч Ивор тодытыса вет-
лйллям. Кузё-Инмар соослы юрттэм, верам кыл-
зэс пöртэм тодметъёсын юнматъям. Аминь.

